

全五代詩
附補遺

四



全 五 代 詩

附 補 遺

(四)

李 調 元 編

叢書集成

初編

主編者
王雲五

商務印書館發行

全五代詩卷十九

吳

曹松

松字夢徵，舒州人。學賈島爲詩，久困名場。昭宗天復初，與王希羽等五人同登第，時號五老榜。授祕書省正字。

唐音戊籤：昭宗實錄：天復元年，敕文令中書門下選擇新及第進士中，有久在名場，晚沾科級，年齒已高者，不拘常例，各授一官。於是禮部侍郎杜德祥奏，揀到新及第進士陳光問、年六十九，曹松、年五十

四：王希羽、年七十三，劉象、年七十，柯崇、年六十四，鄭希顏、年五十九，詔光問、松、希羽可祕書省正字。象崇、希顏可太子校書。時上新平內難，授官制詞，有念爾登科之際，當予反正之年，宜降異恩，各膺寵命之語。據言：松于詩外無他能，時號

其啓事爲送年腳狀，然五七律時復有異句可誦。李肇國史補：曲江大會，先牒教坊請奏，上御紫雲樓觀焉。時或疑作樂，則爲之移日。故松詩云：逍遊苦遇三清樂，行從應坊一日春。吟窗雜錄：松有句云：石脈水流泉滴沙，鬼燈燃點松柏

花。王漁洋五代詩話：錦綉萬花谷松句云：鹿眠荒圃寒蕪白，鴉噪殘陽敗葉飛。丹鉛總錄：松中秋警句云：華嶽影寒清露掌，海門風急白潮頭。松詩多淺俗，以二句差有中唐之意。

塞上行

上將擁黃鬚，安西逐指呼。
離鄉俱少壯，到磧減肌膚。
風雪夜傍塞，腥羶朝繫胡。
爲君樂戰死，誰喜作征夫。

山中言事

嵐竄潤窗櫺。吟詩得冷癢。教餐有效藥。多媿獨行僧。雲溼煎茶火。冰封汲井繩。片扉深着掩。經國自無能。

山中

此地似商嶺。雲霞空往還。衰條難定鳥。缺月易依山。野色耕不盡。溪容釣自閒。分因多臥退。百計少相關。

崇義里言懷

馬蹄京洛岐。復此少閒時。老積滄洲夢。秋乖白閣期。平生五字句。一夕滿頭絲。把向侯門去。侯門未可知。

言懷

冥心坐似癡。寢食生如遺。爲覓出人句。祇求當路知。豈能窮到老。未信達無時。此道須天付。三光幸不私。

書懷

默默守吾道。望榮來替愁。吟詩應有罪。當路卻如讎。陸海儻難溺。九霄爭使休。敢言名譽出。天未白吾頭。

貽世

富者非義取。朴風爭肯還。紅塵不待曉。白首有誰閒。淺度四溟水。平看諸國山。只消年作劫。俱到總無間。

感世

觸目盡如幻。幻中能幾時。愁來捨行樂。事去莫容悲。白髮不由己。黃金留待誰。耕煙得銘誌。翻爲古人思。

除夜

舊歷不足卷。東風還坐聞。一宵有幾刻。兩歲欲平分。臘盡傾時斗。春通綻處雲。明朝遙捧酒。先合祝吾君。

一本首句作殘臘卽又
盡第五作癸。傾時斗。

立春

春日一盃酒。便吟春日詩。
木梢寒未覺。地脈煖先知。
烏囀星沈後。山分雪薄時。
寧無翦花手。贈與最芳枝。

雜詠作賞心處

說懷望曲江池

立春

玉燭傳佳節。陽和應此辰。
土牛呈歲稔。綵燕表年春。
臘盡星回次。寒餘月建寅。
梅花將柳色。偏思越鄉人。

晨起

曉色教不睡。卷簾清氣中。
林殘數枝月。髮冷一梳風。
並鳥聞鐘語。欹荷隔霧空。
莫徒營白日。道路本無窮。

長安春日

浩浩看花晨。六街揚遠塵。
塵中一丈日。誰是晏眠人。
御柳舞着水。野鶯啼破春。
徒云多失意。猶自惜離秦。

曲江暮春雪霽

霽動江池色。春殘一去游。
孤風生馬足。槐雪滴人頭。
北闕塵未起。南山青欲流。
如何多別地。卻得醉汀洲。

九江暮春

楊柳城初鎖。輪蹄息去蹤。
春流無舊岸。夜色失諸峰。
影動漁邊火。聲遲話後鐘。
明朝迴去雁。誰向北郊逢。

滕王閣春日晚望

凌春帝子閣。偶眺日移西。浪勢平花塢。帆陰上柳堤。凝嵐藏宿翼。疊鼓碎歸蹄。只此長吟咏。因高思不迷。

趙凡夫截前半

補萬首絕句誤

鍾陵野步

岡扉聊自啓。信步出波邊。野火風吹闊。春冰鶴啄穿。渚檣齊驛樹。山鳥入公田。未創孤雲勢。空思白閣年。

鈇山寫懷

天涯兵火後。風景畏臨門。骨肉到時節。團圓因夢魂。池塘縈水眼。嶺嶠結花根。耳縱聽歌吹。中心不可論。

岳陽晚泊

輕帆下闊流。便泊此沙洲。湖影撼山朵。日陽燒野愁。白波爭起倒。青嶼或沈浮。是際船中望。東南仞仞秋。

道中

出門嗟世路。何日樸風歸。是處太行險。□□應解飛。走人厚薄禮。客子新故衣。所以澆浮態。多令行者違。

南遊

直到南箕下。方諳漲海頭。君恩過銅柱。戎節限交州。犀占花陰臥。波衝瘴色流。遠夷非不樂。自是北人愁。

塞上

邊寒來所關。今日復明朝。河凌堅通馬。胡雲缺見鵬。砂中程獨泣。鄉外隱誰招。迴首若經歲。靈州生柳條。

石頭懷古

日月出又沒。臺城空白雲。雖寬百姓土。漸缺六朝墳。禾黍是亡國。山河歸聖君。松聲驟雨足。幾樹晚鐘聞。

弔北邙

山下望山上。夕陽明又曠。無人鬻白髮。少地着新墳。歲代殊相遠。賢愚旋不分。東歸聊一弔。亂木倚寒雲。

再到洪州望西山

松常栖此山

洪州向西顧。不忍暫忘君。記得瀑泉落。省同幽鳥聞。一迴經雨雹。長有剩風雲。未定卻栖息。前頭江海分。

望九華寄池陽太守

造化峰峰異。宜教岳德謙。靈蹤載籍古。怪刃刺雲尖。盤蹙陵陽壯。孤標建鄴瞻。霽餘堪洗目。青出謝家簷。

題甘露寺

香門接巨壘。畫閣間清鐘。北固一何峭。西僧多未逢。天垂無際海。雲白久晴峰。日暮燃燈外。濤頭振蟄龍。

題湖南岳麓寺

海雲山上寺。每到每開襟。萬木長不住。細泉聽更深。蜩沾高雨斷。鳥遇夕嵐沈。此地良宵月。秋懷隔楚砧。

慈恩東樓

寺樓涼出竹，非與曲江賒。野火流穿苑，秦山疊入巴。
風梢離衆葉，岸角積虛沙。此地鐘聲近，令人思未涯。
書翠岩寺壁

何年話尊宿，瞻禮此堂中。入郭非無路，歸林自學空。
澆瓶雲嶠水，逆磬雪川風。時說南廬事，知師用意同。
信州開通寺題僧砌下泉

細聲從嶠足，幽淡浸香墀。此境未開日，何人初見時。
耗痕延黑蘚，淨罈吐微澌。應有喬梢鶴，來當飲之。
題鶴鳴泉

仙鶴曾鳴處，泉簷半井苔。直峯拋影入，片月瀉光來。
漱澗侵顏冷，深沈慰眼開。何因值丹頂，滿汲石瓶迴。
商山夜聞泉

瀉月聲不斷，坐來心益閒。無人知落處，萬木冷空山。
遠憶雲容外，幽疑石縫間。那辭通曙聽，明日度藍關。
觀山寺僧穿井

雲僧鑿山井，寒碧在中庭。況是分巖眼，同來下石瓶。
旁痕終變蘚，圓影卽澄星。異夜天龍蟄，應聞說葉經。
廬山訪賈匡

西城疾病日，此地少尋君。古跡春猶在，遙泉夜盡聞。
片時三處雨，九疊幾重雲。到者皆忘寐，精神與俗分。
訪山友

一徑通高屋，重雲翳兩原。山寒初宿頂，泉落未知根。
急雨洗荒壁，驚風開靜門。聽君吟廢夜，苦卻建溪猿。

宿溪僧院

年少雲溪裏。禪心夜更閒。煎茶留靜者。靠月坐蒼山。露白鐘尋定。螢多戶未關。嵩陽有石室。何日譯經還。

與胡汾坐月期賁休上人不至

掃庭秋漏滴。接話貴忘眠。靜夜人相語。低枝鳥暗遷。星圍南極定。月照斷河連。後會花宮子。應開石上禪。

覽春榜喜孫郢成名

門外報春榜。喜君天子知。舊愁渾似雪。見日總消時。塔下牡丹氣。江頭楊柳絲。風光若有分。無處不相宜。

喜友人歸上元別業

一橋千里外。隱者興宜孤。落日長邊海。秋風滿故都。掩關苔色老。盤徑葉聲枯。匡岳來時過。遲迴絕頂無。

上廣州支使王拾遺

明時應不諫。天幕稱仙才。聘入關中去。人從帝側來。詩牕盛島嶼。檄盾照風雷。幾度陪旌節。營巡海色迴。

山中寒夜呈許棠

山寒草堂煖。寂夜有良朋。讀易分高燭。煎茶取折冰。庭垂河半角。牕露月微稜。俱入詩心地。爭無俗者憎。

贈華陰李明府

佩墨縣兼清。約關西近城。三峯豈不重。厚地戴猶輕。雪篠欹難直。風泉噴易橫。須知高枕外。長是勸民耕。

贈衡山麋明府

爲縣瀟湘水。門前樹配苔。晚吟公籍少。春醉積林開。滌硯松香起。擎茶岳影來。任官當此境。更莫夢天台。

贈餘干袁明府

一雨西成色。陶家心自清。山銜中郭分。雲卷下湖程。公署聞流水。人煙入廢城。難忘楚盡處。新有越吟生。

贈雷卿張明府

任官征戰後。度日寄閒身。封卷還高客。飛書問野人。廢田教種穀。生路遣尋薪。若起柴桑興。無先漉酒巾。

贈南陵李主簿

外邑官同隱。寧勞知吏趨。看雲情自足。愛酒逸應無。簾席彈棋子。衣裳惹印朱。仍聞陂水近。亦擬掉菰蒲。

浙右贈陸處士

靜節灌園餘。得非成隱居。長當庚子日。獨拜五經書。白浪吹亡國。秋霜洗太虛。門前是京口。身外不營儲。

贈胡處士

年光離岳色。帶疾臥南原。白日與無事。俗人噴閉門。樵魚臨岸水。野鹿入荒園。莫問榮華事。清霜點髮根。

薦福寺贈棲白太師

才子紫檀衣。明君寵顧時。講昇高坐懶。書答重臣遲。瓶勢傾圓頂。刀聲落碎髭。還聞穿內去。隨駕進新詩。

青龍寺贈雲顥法師

紫檀衣且香。春殿日尤長。此地開新講。何山鑱舊房。僧名喧北闕。祖印續南方。莫惜青蓮喻。秦人聽未忘。

關山寄詩贈清越

不寄秦中酒。冥心祇似師。望山吟過日。伴鶴立多時。溝遠流聲細。林寒綠色遲。菴西羅月夕。重得話空期。

慈恩寺貽楚霄上人

在秦生楚思。波浪接禪關。塔礙高林鳥。窗開白日山。樹陰移草上。岸色透庭間。入內談經徹。空攜講疏還。

貽住山僧

罷講巡巖鳥。無窮得野情。臘高猶伴鹿。夏滿不歸城。雲朵緣崖發。峰陰截水清。自然雙洗耳。唯任白毫生。

林下書懷寄建州李員外

一從諸事嬾。海上跡宜沈。吾道不當路。鄙人甘入林。雲垂方覓鶴。月溼始收琴。水石南州好。誰陪刻骨吟。

金陵道中寄

忍苦待知音。無時省廢吟。始爲分路客。莫問向隅心。嶠翠藏幽瀑。枝風下曉禽。憶君秋欲盡。馬上秣陵砧。

送胡中丞使日東

辭天理玉簪。指日使雞林。猶有中華戀。方同積水深。張帆度鯨口。銜命見臣心。渥澤遐宣後。歸期抵萬金。

送左協律京西從事

辟書來幾日。遂喜就嘉招。猶向風沙淺。非於甸服遙。時平無探騎。秋靜見盤鵲。若遣關中使。煩君問寂寥。

送邵安石及第歸連州覲

及第兼歸覲。宜忘涉驛勞。青雲重慶少。白日一飛高。轉楚聞啼鴞。臨湘見疊濤。海陽沈飲罷。何地佐旌旄。

秋日送方干遊上元

天高淮泗白。料子趣修程。汲水疑山動。揚帆覺岸行。雲離京口樹。雁入石頭城。後夜分遙念。諸峰霜露生。

九江送方干歸鏡湖

一橋懸五兩。此日動歸風。客路拋湓口。家林入鏡中。談餘雲出嶠。詠苦月欹空。更若看鵲鵲。何人夜坐同。

都門送許棠東歸

舊客東歸遠。長安詩少朋。去愁分磧雁。行計逐鄉僧。華岳無時雪。黃河漫處冰。知辭國門路。片席認西陵。

送喻坦之遊太原

北鄙征難盡。詩愁滿去程。廢巢侵燒色。荒塚入鋤聲。逗野河流濁。離雲磧月明。并州戎壘地。角動引風生。

邊上送友人歸寧

鄉路穿京口。寧心去少同。日斜尋闕磧。春盡逐歸鴻。獨樹河聲外。凝笳塞色中。憐君到此處。卻背老萊風。

送德輝禪師

重禮石
霜長者

天涯緣事了。又造石霜微。不以千峰險。唯將獨影歸。有爲嫌假佛。無境是真機。到後流沙錫。何時更有飛。

弔賈島墓

先生不折桂，謫去抱何冤。已葬離燕骨，難招入劍魂。旅墳低卻草，稚子哭勝猿。冥寞如搜句，宜邀賀監論。

哭李頻員外

時在建州

出壘臨建水，下世在公堂。苦集休開籥，清資罷轉郎。瘴中無子奠，嶺外一妻孀。定是浮香骨，東歸就故鄉。

哭陳陶處士

園裏先生冢，鳥啼春更傷。空餘八封樹，尙對一茅堂。白日埋杜甫，皇天無未陽。如何稽古力，報答甚茫茫。

哭胡處士

邱中久不起，悲謂詔書來。及見凌雲說，方知掩夜臺。白衣歸北路，元造亦遺才。世上亡君後，詩聲更大哉。

重哭胡處士

故人江閣在，重到事悠悠。無爾向潭上，爲吾傾甕頭。空餘赤楓葉，墜落釣魚舟。疑是冲虛去，不爲天地囚。

憶江南并悼亡友

前心柰兵阻，悔作豫章分。芳草未歸日，故人多是墳。帆行出岫雨，馬踐過江雲。此地一罇酒，當時皆以文。

月

寥寥天地內，夜魄爽何輕。頻見此輪滿，卽應華髮生。不圓爭得破，纔正又須傾。人事還相似，因知倚伏情。

夏雲

勢能成岳仞。頃刻長崔嵬。暝鳥飛不到。野風吹得開。一天分萬態。立地看忘回。欲結暑宵雨。先聞江上雷。

僧院松

此木韻彌全。秋宵學瑟絃。空知百餘尺。未定幾多年。古甲磨雲拆。孤根捉地堅。

朱慶餘有旅雁捉孤島川字並奇

何當拋一

幹。作蓋道場前。

友人池上詠蘆

秋聲誰種得。蕭瑟在池欄。葉澁栖蟬穩。叢疎宿鷺難。歛煙宜早下。颯吹省先寒。此物生蒼島。令人憶釣竿。

顧少府池亭草

池上分行種。公庭覺少塵。根離潮水岸。韻爽判曹人。正午迴魚影。方昏息鷺身。無時不動詠。滄海島思頻。

猿

曾宿三巴路。今來不願聽。雲根啼片白。峰頂擲尖青。護果憎禽啄。栖霜覩葉零。唯應臥嵐客。憐爾傍崑局。

送人庭鶴

度歲休籠閉。身輕好羽儀。白雲原是伴。滄海得因誰。唳起遺殘食。盤餘在迴枝。條風頻雨去。只恐更相隨。

答匡山僧贈柳栗杖

栗杖出匡頂。百中無一枝。雖因野僧得。猶畏嶽神知。畫月冷光在。指雲秋片移。宜留引蹇步。他日訪峨眉。

觀華夷圖

落筆勝縮地。展圖當晏寧。中華屬貴分。遠裔占何星。分寸辨諸岳。斗升觀四溟。長疑未到處。一一似曾經。

古塚

代遠已難問。纍纍次古城。民田侵不盡。客路踏還平。作穴蛇分蟄。依岡鹿繞行。唯應風雨夕。鬼火出林明。

全五代詩卷二十

吳

曹松二

送陳樵校書歸泉州

臣塔列名題。詩心亦罕齊。除官京下闕。乞假海門西。別席侵殘漏。歸程避戰鼙。關遙秦雁斷。家近瘴雲低。候馬春風館。迎船曉月溪。帝京須早入。莫被刺桐迷。

武德殿朝退望九衢春色

玉殿朝初退。天街一望春。南山初過雨。北闕淨無塵。夾道桃桃滿。連溝御柳新。蘇舒同舜澤。煦嫗並堯仁。佳氣浮軒蓋。和風襲綰紳。自茲憐萬物。同人發生辰。

梢雲

殊質資靈貺。陵空發瑞雲。梢梢含樹彩。郁郁動霞文。不比因風起。全非觸石分。葉光閒泛灩。枝彩靜氤氳。隱見心無宰。徘徊慶自君。翻飛如可託。長願在橫汾。

山中

要路豪家非往還。巖門先有不曾關。衆心惟恐地無剩。吾意亦憂天惜閒。白練曳泉窗下石。絳羅垂果枕

前山樵夫豈解營生業。貴欲自安麋鹿間。

及第勅下宴中獻座主杜侍郎

得召邱壠淚卻頻。若無公道也無因。門前送勅朱衣吏。席上銜杯碧落人。半夜笙歌教泥月。平明桃李放燒春。南山雖有歸溪路。爭那酬恩未殺身。

七夕

牛女相期七夕秋。相逢俱喜鵲橫流。彤雲縹緲迴金輅。明月嬋娟掛玉鉤。翠羽幾曾添別恨。花容終不更含羞。更殘便是分襟處。曉箭東來射翠樓。

南海

傾騰界漢沃諸蠻。立望何如畫此看。無地不同方覺遠。其天無別始知寬。文魼隔霧朝含磬。老蚌凌波夜吐丹。萬狀千形皆得意。長鯨獨自轉身難。

郭璞江賦。文魼聲鳴以孕珠。山海經。文魼狀如覆鉢。鳥首而翼。魚尾。音如磬。是生珠玉。

洞庭湖

東南西北各連空。波上唯留小朵峰。長與岳陽翻鼓角。不離雲夢轉魚龍。吸迴日月過千頃。鋪盡星河剩一重。直到劫餘還作陸。是時應有羽人逢。

桂江

未識佳人尋桂水。水雲先解傍壺觴。笋林次第添斑竹。雛鳥參差護錦囊。南中有乳洞。此時連越井。石樓
何日到仙鄉。如飛似墮皆青壁。畫手不強元化強。

天台瀑布

萬仞得名云瀑布。遠看如織掛天台。休疑寶尺難量度。直恐金刀易剪裁。噴向林梢成夏雪。傾來石上作春雷。欲知便是銀河水。墮落人間合卻迴。

霍山在龍川縣

七千七百七十丈。丈丈藤蘿勢入天。未必展來空似翅。不妨開去也成蓮。月將河漢分巖轉。僧與龍蛇共窟眠。直是畫工須閣筆。況無名畫可流傳。三四方勝覽作四上文殊曾印迹大中皇帝舊參禪

巫峽

巫山蒼翠夾通津。下有仙宮楚女貞。不逐綵雲歸碧落。卻爲暮雨撲行人。年年舊事音容在。日日誰家夢想頻。應是荆山留不住。至今猶得覩芳塵。

春日自吳門之陽羨道中書事

勝異恣遊應未遍。路歧猶去幾時還。浪花湖闊虹蜺斷。柳線村深鳥雀閒。千室綺羅浮畫檝。兩州絲竹會茶山。眼前便是神仙事。何必須言洞府間。

荆南道中作

十月荒郊雪氣催。依稀愁色認陽臺。遊秦分繫三條燭。出楚心殊一寸灰。高柳莫遮寒月落。空桑不放夜風迴。如何住在猿聲裏。卻被蟬吟引下來。

將入關行次湘陰

背顧秦城在何處。圖書作伴過湘東。神鷄亂噪黃陵近。候雁斜沈夢澤空。打槳天連晴水白。燒田雲隔夜山紅。也知漸老岩棲穩。爭奈文園有至公。

嶺南道中

百花成實未成歸。未必歸心與志違。但有壺觴資逸詠。盡教風景入清機。半川陰霧藏高木。一道晴蜺雜落暉。遊子馬前芳草合。鷓鴣啼歇又南飛。

南海旅次

憶歸休上越王臺。歸思臨高不易裁。爲客正當無雁處。故園誰道有書來。城頭早角吹霜盡。郭裏殘潮蕩月迴。心似百花閒未得。年年爭發被春催。

江外除夜

千門庭燎照樓臺。總爲年光急急催。半夜臘因風卷去。五更春被角吹來。寧無好鳥思花發。應有遊魚待凍開。不是多歧漸平穩。誰能呼酒祝昭回。

李郎中林亭

祇向砌邊流野水。樽前上下看魚兒。笋蹊已長過人竹。藤徑從添拂面絲。若許白猿垂近戶。卽無紅菓墜低枝。大才必擬逍遙去。更遣何人佐盛時。

羅浮山下書逸人壁

海上亭臺山下煙。買時幽邃不爭錢。莫言白日催華髮。自是丹砂駐少年。漁釣未歸深竹裏。琴臺猶戀落花邊。可中更踐無人境。知是羅浮第幾天。

題昭州山寺常寂上人水閣

常寂常居常寂裏。年年月月是空空。塔前未放巖根斷。屋下長教海眼通。本爲入來尋佛窟。不期行處踏龍宮。他時憶着堪圖畫。一朵雲山二水中。

陪湖南李中丞宴隱溪瑋

竹林啼鳥不知休。羅列飛橋水亂流。觸散柳絲迴玉勒。約開蓮葉上蘭舟。酒邊舊侶真何遜。雲裏新聲是莫愁。若值主人嫌晝短。應陪秉燭夜深遊。

南海陪鄭司空遊荔園

荔枝時節出旌旂。南國名園盡興遊。亂結羅紋照襟袖。別含瓊露爽咽喉。葉中新火欺寒食。樹上丹砂勝錦州。他日爲霖不將去。也須圖畫取風流。

夜飲

良宵公子宴蘭堂。濃麝薰人獸吐香。雲帶金龍銜畫燭。星羅銀鳳瀉瓊漿。滿屏珠樹開春景。一曲歌聲遶翠梁。席上未知簾幕曉。青娥低語指東方。

拜訪陸處士

萬卷書邊人半白。再來唯恐降元纁。性靈比鶴爭多少。氣力登山較幾分。吟鬢漸無前度漆。寢衣猶有昨宵雲。將知谷口耕煙者。低視齊梁楚趙君。

江西逢僧省文

高僧不負雪峰期。卻伴青霞入翠微。百葉巖前霜欲降。九枝松上鶴初歸。風生碧澗魚龍躍。錫振金樓燕雀飛。想得白蓮花上月。滿山猶帶舊光輝。

贈鏡湖處士方千二首

包含教化剩搜羅。句出東甌奈峭何。世路不妨平處少。才人唯是屈聲多。雲來島上便幽石。月到湖心忘白波。後輩難爲措機杼。先生緘字得龍梭。祗擬應星眠越絕。唯將麗什常高勳。磨礪清濁人難會。織絡虛無帝亦聞。烏道未知山足雨。漁家已沒鏡中雲。他時莫爲三徵起。門外沙鷗解笑君。

贈道人

住山因以福爲庭。便向山中隱姓名。閨苑駕將雕羽去。洞天贏得綠毛生。日邊腸胃殮霞火。月裏肌膚飲露英。顧我從來斷浮濁。擬驅雞犬上三清。

廣州貽匡緒法師

口宣微密不思議。不是除貪卽誠疑。祇待外方緣了日。爭看內殿詔來時。週迴海樹侵階疾。迢遞江湖應井遲。必竟懶過高坐寺。未能全讓法雲師。

別湖上主人

門繫釣舟雲滿岸。借君幽致坐移旬。湖村夜叫白蕪雁。菱市曉喧深浦人。遠水日邊重作雪。寒林燒後別生春。不辭更住醒還醉。太一東峯歸夢頻。

送乞雨禪師臨遇南遊

活得枯樵耕者知。巡方又欲向天涯。珠穿閩國菩提子。杖把靈峰榔栗枝。春蘚任封降虎石。夜來從傍養龍池。生緣在地南浮去。自此孤雲不可期。

弔李翰林

李白雖然成異物。逸名猶與萬方傳。昔朝曾侍元宗側。大夜應歸賀監邊。山木易高迷故壠。國風長在見遺篇。投金渚畔春楊柳。自此何人繫酒船。

水晶念珠

等量紅縷貫品熒。盡道勻圓別未勝。鑿斷玉潭盈尺水。琢成金地兩條冰。輪時祇恐星侵佛。掛處常疑露滴僧。幾度夜深尋不着。琉璃爲殿月爲燈。

白角簾

角簾工夫已到頭。夏來全占滿床秋。若言保惜歸華屋。祇合封題寄列侯。學卷曉冰常怕綻。解鋪寒水不教流。蒲桃錦是瀟湘底。曾得王孫價倍酬。

碧角簾

細皮重疊織霜紋。滑膩鋪床勝錦茵。八尺碧天無點翳。一方青玉絕纖塵。蠅行只恐煙黏足。客臥渾疑水浸身。五月不教炎氣入。滿堂秋色冷龍鱗。

言懷

出山不得意。謁帝值戈鋌。豈料爲文日。翻成用武年。

夏日東齋

三庚到秋伏。偶來松檻立。熱少清風多。開門放山入。

南朝

離離蓋馳道。風烈一無取。時見牧牛童。嘖牛喫禾黍。

金谷園

當年歌舞時。不說草離離。今日歌舞盡。滿園秋露垂。

寒食日題杜鵑花

一朵又一朵。併開寒食時。誰家不禁火。總在此花枝。

春草

不獨滿池塘。夢中佳句香。春風有餘力。引上古城牆。

己亥歲二首

澤國江山入戰圖。生民何計樂樵蘇。憑君莫話封侯事。一將功成萬骨枯。
紀事云。可謂
語世故矣。

傳聞一戰百神愁。兩岸強兵過未休。誰道滄江總無事。近來長共血爭流。

中秋對月

無雲世界秋三五。共看蟾盤上海涯。直到天頭天盡處。不曾私照一人家。

鍾陵寒食日郊外閒遊

可憐時節足風情。杏子粥香如冷餠。無奈春風輸舊火。遍教人喚作山櫻。

亂後入洪州西山

寂寂陰溪水。漱苔塵中將得苦吟來。東峰道士如相問。縣尉而今不姓梅。

商山

垂白商於原下住。兒孫共死一身忙。木弓未得長離手。猶與官家射麝香。

山寺引泉

劈碎琅玕意有餘。細泉高引入香廚。山僧未肯言根本。莫是秋河漏泄無。

駙馬宅宴罷

粉牆殘月照宮祠。宴闋銀瓶一半欹。學語鶯兒飛未穩。放身斜墜綠楊枝。

江西逢僧省文

閩地高僧楚地逢。伴遊蠻錫挂垂松。白雲逸性都無定。纔出雙峰愛五峰。

贈廣宣大師

憶昔同游紫閣雲。別來三十二回春。白頭相見雙林下。猶是清朝未退人。

送僧入廬山

若到江州二林寺。遍遊應未出雲霞。廬山瀑布三千仞。劃破青霄始落斜。

送僧入蜀過夏

帥言結夏入巴峰。雲水迴頭幾萬重。五月峨眉須近火。木皮嶺裏祗如冬。

題僧院松

空山澗畔枯松樹。禪老堂頭鱗甲身。傳是昔朝僧種着。下頭應有茯苓神。

全五代詩卷二十一

吳

張喬

喬池州人有詩名咸通中與許棠鄭谷張蠙諸人同號十哲黃巢亂隱九華

唐書戊籤李頰爲京兆參軍主解試月中桂詩

喬塢場時許棠久在塢屋頰憐之首薦棠喬竟下第調元按曹松張喬皆有哭陳陶詩而陳陶在南唐昇元中猶在故編于吳之末

楊花落

北斗南回春物老紅英落盡綠尙早韶風澹蕩無所依偏惜垂楊作春好此時可憐楊柳花繁盈滿人家人家女兒出羅幕淨掃玉除看花落寶環纖手捧更飛翠羽輕裾承不著歷歷瑤琴舞袖陳飛紅拂黛憐玉人東園桃李芳已歇猶有楊花嬌暮春

塞下曲

勒兵遼水邊風急捲旌旆絕塞寒無樹平沙勢盡天下營看斗建傳號信狼煙聖代垂青史當書破虜年後四句一作雪晴回探騎月落控鳴弦永定山河齊南歸改漢年

曲江春

尋春與送春，多遶曲江濱。
一片鳧鷖水，千秋螢轂塵。
岸涼隨衆木，波影送遊人。
自是遊人老，年年管吹新。

祕省伴直

喬枝聚暝禽，疊閣鎖遙岑。
待月當秋直，看書廢夜吟。
殘薪留火細，古井下瓶深。
縱欲抄前史，貧難遂此心。

延福里秋懷

終年九陌行，要路跡皆生。
苦學猶難至，甘貧豈有成。
病攜秋卷重，閒著暑衣輕。
一別林泉久，中宵御水聲。

秋夕

春恨復秋悲，秋悲難到時。
每逢明月夜，長起故山思。
巷僻行吟遠，蛩多獨臥遲。
溪僧與樵客，動別十年期。

山中冬夜

寒葉風搖盡，空林鳥宿稀。
澗水妨鹿飲，山雪阻僧歸。
夜坐塵心定，長吟語力微。
人間去多事，何處夢柴扉。

藍溪夜坐

藍水警塵夢，夜吟開草堂。
月臨山竊薄，松滴露花香。
詩外真風遠，人間靜興長。
明朝訪禪侶，更上翠微房。

宿劉溫書齋

不掩盈牕月，天然格調高。
涼風移蟋蟀，落葉在離騷。
迴筆挑燈燼，懸圖見海濤。
因論三國志，空載幾英豪。

隱巖陪鄭少師夜坐

巖齋老鑪
所居爲隱岩

幸喜陪騶馭。頻來向此宵。
硯磨清澗石。廚爨白雲樵。
竹外村烟細。燈中禁漏遙。
衣冠與文理。靜語對前朝。

回鑾閣寫望

古閣上空半。寥寥千里心。
多年爲客路。盡日倚欄吟。
山壓秦川重。河來虜塞深。
回鑾今不見。煙霧杳沈沈。

江樓作

憑檻見天涯。非秋亦可悲。
晚天帆去疾。春雪燕來遲。
山水分鄉縣。干戈足別離。
南人廢耕織。早晚罷王師。

登慈恩寺塔

牕戶響層風。清涼碧落中。
世人來往別。煙景古今同。
列岫橫秦斷。長河極塞空。
斜陽越鄉思。天末見歸鴻。

遊少華山甘露寺

少華中峰寺。高秋衆景歸。
地連秦塞起。河隔晉山微。
晚木蟬相應。涼天雁並飛。
慙慙記巖石。祇恐再來稀。

遊歙州興唐寺

山橋通絕境。到此憶天台。
竹裏尋幽徑。雲邊上古臺。
鳥歸殘照出。鐘斷細泉來。
爲愛澄溪月。因成隔宿迴。

秦原春望

無窮名利塵。軒蓋逐年新。
北闕東堂路。千山萬水人。
雲離僧榻曙。鸞遠鳳樓春。
佳苗文明代。難歸釣艇身。

滕王閣寫望

昔人登覽處。遺閣大江隅。疊浪有時有。閒雲無日無。早涼先鷺去。返照後帆孤。未得營歸計。菱歌滿舊湖。

終南山

帶雪復銜春。橫天占半秦。勢奇看不定。景變寫難真。洞遠皆通岳。川多更有神。白雲幽絕處。自古屬樵人。

華山

誰將倚天劍。削出倚天峯。衆水背流急。他山相向重。樹黏青靄合。崖夾白雲濃。一夜盆傾雨。前湫起毒龍。

遊南岳

入巖仙境清。行盡復重行。若得閒無事。長來寄此生。澗松閒易老。籠燭晚生明。一宿泉聲裏。思鄉夢不成。

尋桃源

武陵春草齊。花影隔澄溪。路遠無人去。山空有鳥啼。水垂青嶺斷。松偃綠蘿低。世上迷途客。經茲盡不迷。

青島泉

祗此沈仙翼。瑤池似不遙。有聲懸翠壁。無勢下丹霄。淨瀨烟霞古。寒原草木凋。山河幾更變。幽咽到唐朝。

長安書事

出送鄉人盡。滄洲未得還。秋風五陵樹。晴日六街山。有景終年住。無機是處閒。何當向雲外。免老別離間。

北山書事

黃河一曲山天半。鑠重關。聖日雄藩。靜秋風老。將開車輿寄谷口市。井響雲間大野無飛鳥。元戎校獵還書邊事。

調角斷清秋。征人倚戍樓。春風對青塚。白日落梁州。大漠無兵阻。窮邊有客遊。蕃情似此水。長願向南流。

岳陽卽事

遠色岳陽樓。湘帆數片愁。竹風山上路。沙月水中洲。力學桑田廢。思歸鬢髮秋。功名如不立。豈易狎汀鷗。

鄧州卽事

孤城臨遠水。千里見寒山。白雪無人唱。滄洲盡日閒。鳥歸殘燒外。帆出斷雲間。此地秋風起。應隨計吏還。

商山道中

春去計秋期。長安在夢思。多逢山好處。少值客行時。雲起爭峰勢。花交隱澗枝。停驂一惆悵。應祇嶺猿知。

荆楚道中

前程曾未到。歧路擬何爲。返照行人急。荒郊去鳥遲。春宵多旅夢。夏閏遠秋期。處處牽愁緒。無窮是柳絲。

吳江旅次

行人愁落日。去鳥倦遙林。曠野鳴流水。空山響暮砧。旅途歸計晚。鄉樹別年深。寂寞逢村酒。漁家一醉吟。

將歸江淮書

東風搖衆木。卽有看花期。紫陌頻來日。滄洲獨去時。郡因兵役苦。家爲海翻移。未老多如此。那堪鬢不衰。

將離江上作

白衣歸樹下，青草戀江邊。
三楚足深隱，五陵多少年。
寂寥聞蜀魄，清絕怨湘絃。
歧路在何處，西行心渺然。

江行至沙浦

煙霞接杳冥，旅泊寄迴汀。
夜雨雷電歇，春江蛟蜃腥。
城侵潮影白，嶠截鳥行青。
徧欲探泉石，南須過洞庭。

江行夜雨

江風木落天，游子感流年。
萬里波連蜀，三更雨到船。
夢殘燈影外，愁積葦叢邊。
不及樵漁客，全家住島田。

沿漢東歸

北去窮秦塞，南歸繞漢川。
深山逢古跡，遠道見新年。
絕壁雲銜寺，空江雪洒船。
縈迴還此景，多坐夜烟前。

浮汴東歸

日暖泗濱西，無窮岸草齊。
薄煙衰草樹，微月迴城雞。
水近滄浪急，山隨綠野低。
羞將舊名姓，還向舊遊題。

宿昭應

夜憶開元事，淒涼里巷間。
薄烟通魏闕，明月照驪山。
半壁空官閉，連天白道閒。
清晨更迴首，獨向灞陵還。

雨中宿僧院

千燈有宿因，長老許相親。
夜永樓臺雨，更深江海人。
勞生無了日，忘念起微塵。
不是真如理，何門靜此身。

宿江叟島居

一家烟島上。竹裏夜窗開。數派分潮去。千櫓聚月來。石樓雲斷續。澗渚雁徘徊。了得平生志。還歸築釣臺。

尋陽村舍

荒林寄遠居。坐臥見樵漁。夜火隨船遠。寒更出郡疎。雪迷登岳路。風阻轉江書。寂寞高窗下。思鄉歲欲除。

江村

貧遊無定蹤。鄉信轉難逢。寒渚暮煙闊。去帆歸思重。潮平低戍火。木落遠山鐘。況是漁家宿。疏籬響夜春。

題鄭侍御藍田別業

秋山清若水。吟客靜於僧。小徑通商嶺。高窗見杜陵。雲霞朝入鏡。猿鳥夜窺燈。詐作前峰侶。終來寄上層。

題友人林齋

喬木帶涼蟬。來吟暑雨天。不離高枕上。似宿遠山邊。簾冷窗中月。茶香竹裏泉。吾廬近溪島。憶別動經年。

題湖上友人居

豈得戀樵漁。全家湖畔居。遠無潮客信。閒寄嶽僧書。野白梅鱗後。山明雨散初。逍遙向雲水。莫與宦情疏。

題友人草堂

空山卜隱初。生計亦無餘。三畝水邊竹。一牀琴畔書。深林收晚果。絕頂拾秋蔬。堅話長如此。何年獻子虛。

題靈山寺

樹涼清島寺。虛閣敞禪扉。四面閒雲入。中流獨鳥歸。湖平幽徑近。船泊夜燈微。一宿秋風裏。煙波隔擣衣。

題廣信寺

亭北敞靈溪。林梢與檻齊。野雲來影遠。沙鳥去行低。晚渡明村火。晴山響郡鼙。思鄉值搖落。賴不有猿啼。

題興善寺僧道深院

江峰峯頂人。受法老西秦。法本無前業。禪非爲後身。院栽他國樹。堂展祖師真。甚願依宗旨。求閒未有因。

金山寺空上人院

已老金山頂。無心上石橋。講移三楚遍。梵譯五天遙。板閣禪秋月。銅瓶汲夜潮。自慚昏醉客。來坐亦通宵。

甘露寺僧房

臨水登山路。重尋旅思勞。竹陰行處密。僧臘別來高。遠岫明寒火。危樓響夜濤。悲秋不成寐。明月上千艘。

再題敬亭清越上人山房

重來訪惠休。已是十年遊。向水千松老。空山一磬秋。石牕清吹入。河漢夜光流。久別多新作。長吟洗俗愁。

題詮律師院

院涼松雨聲。相對有山情。未許谿邊老。猶思嶽頂行。紗燈留火細。石井灌瓶清。欲問吾師外。何人得此生。

題山僧院

谿路曾來日。年多與舊同。地寒松影裏。僧老磬聲中。遠水清風落。閒雲別院通。心源若無礙。何必更論空。

題終南山白鶴觀

上徹鍊丹峰。求元意未窮。古壇秋草合。往事白雲空。仙境日月外。帝鄉烟霧中。人間足煩暑。欲去戀松風。

題古觀

急景遞衰老。此經誰食真。松留千載鶴。碑隔六朝人。洞水流花早。壺天閉雪春。其如爲名利。歸踏五陵塵。

書梅福殿壁二首

梅真從羽化。萬古是須臾。此地名空在。西山雲亦孤。井痕平野水。壇級上春蕪。縱有雙飛鶴。年多松已枯。

一自白雲去。千秋壇月明。我來思往事。誰更得長生。雅韻磬鐘遠。真風樓殿清。今來爲尉者。天下有仙名。

江上逢進士許棠

江南逢洛下友人

洛下吟詩侶。南遊只爲君。波濤歸路見。蟋蟀在船聞。曉月江城出。晴霞島樹分。無窮懷古意。豈獨逸湘雲。

贈友人

九霄無詔下。何事觸清塵。宅帶松蘿僻。身惟猿鳥親。吟看仙掌月。期有洞庭人。莫問煙霞句。懸知見岳神。

贈邊將

將軍誇膽氣。功在殺人多。對酒擎鍾飲。臨風拔劍歌。翻師平碎葉。掠地取交河。應笑孔門客。年年羨四科。

贈仰大師

仰山因久住。天下仰山名。井邑身雖到。林泉性本清。野雲居處盡。江月定中明。髣髴曾相識。今來隔幾生。

聞仰山禪師往曹溪因贈

曹溪松下路。猿鳥重相親。四海求元理。千峰遶定身。異花天上墮。靈草雪中春。自惜經行處。焚香禮舊真。

贈敬亭清越上人

海上獨隨緣。歸來二十年。久閒時得句。漸老不離禪。□木欹臨水。窗峰直倚天。猶期向雲裏。別掃石床眠。

東湖贈僧子蘭

名利了無時。何人暫訪師。道情閒外見。心地語來知。竹落穿窗葉。松寒蔭井枝。匡山許同社。願卜掛帆期。

贈初上人

竹色覆禪棲。幽禽遶院啼。空門無去住。行客自東西。□氣春來歇。庭枝雪後低。相看念山水。盡日話曹溪。

贈棋僧侶

機謀時未有多。向弈棋銷。已與山僧敵。無令海客饒。□驅雲陣起。疏點雁行遙。夜雨如相憶。松窗更見招。

劉補闕自九華山拜官因以寄獻

冥鴻久不羣。徵拜動天文。地主迎過郡。山僧送出雲。□車殘月在。宿館亂流分。若更思林下。還須共致君。

寄績溪陳明府

古邑猿聲裏。空城只半存。岸移無舊路。沙漲別成村。□角喧京口。江山盡汝墳。六朝興廢地。行子一銷魂。

寄處士梁燭

賢哉君子風。風與古人同。採藥楚雲裏。移家湘水東。星霜秋野闊。雨雹夜山空。早晚相招隱。深耕老此中。

思宜春寄友人

勝遊雖隔年。魂夢亦依然。瀑水喧秋思。孤燈動夜船。斷虹全嶺雨。斜月半溪煙。舊日吟詩侶。何人更不眠。

寄南中友人

相夢如相見。相思去後頻。舊時行處斷。華髮別來新。浪動三湘月。煙藏五嶺春。又無歸北客。書札寄何人。

寄中岳顓頊先生

先生顓頊後。得道自何人。松柏卑於壽。兒孫老卻身。夜窗峰頂曙。寒澗洞中春。戀此逍遙境。雲間不可親。

別李參軍

王孫遊不遇。沉我五湖人。野店難投宿。漁家獨問津。嶺分中夜月。江隔兩鄉春。靜想青雲路。還應寄此身。

贈別李山人

分合老西秦。年年夢白蘋。曾爲洞庭客。還送洞庭人。語別惜殘夜。思歸愁見春。遙知泊舟處。沙月自相親。

江南別友人

勞生故白頭。頭白未應休。闕下難孤立。天涯尙旅遊。聽猿吟島寺。待月上江樓。醉別醒惆悵。雲帆滿亂流。

送鄭侍御赴汴州辟命

官從諫署清，暫去佐戎旌。朝客多相送，吟僧欲伴行。河冰天際白，嶽雪眼前明。卽是東風起，梁園聽早鶯。

送鄭谷先輩赴汝州辟命

看花興未休，已散曲江遊。載筆離秦甸，從軍過洛州。嵩雲將雨去，汝水背城流。應念依門客，蒿萊滿徑秋。

送睦州張參軍

重祿輕身日，清資近故鄉。因知送君後，轉自惜年芳。遠水分林影，層峰起鳥行。扁舟此中去，溪月有餘光。

送河西從事

結束佐戎旌，河西住幾年。隴頭隨日去，碛裏寄星眠。水近沙連帳，程遙馬入天。聖朝思上策，重待奏安邊。

送龍門令劉滄

去宰龍門縣，應思變化年。還將魯儒政，又與晉人傳。峭壁開中古，長河落半天。幾鄉因勸勉，耕稼滿雲烟。

送龐百篇之任青陽縣尉

都堂公試日，詞翰獨超羣。品秩台庭與，篇章聖主聞。鄉連三楚樹，縣對九華雲。多少青門客，臨岐共羨君。

送沈先輩尉昭應

餘才不廢詩，佐邑喜閒司。丹陛終須去，青山未可期。葉凋溫谷晚，雲出古宮遲。若草東封疏，君王到有時。

送南陵尉李頻

重作東南尉，生涯尙似僧。客程淮館月，鄉思海船燈。晚霧看春穀，晴天見朗陵。不應三考足，先受詔書徵。

送前輩讀三傳赴長城尉

登科精魯史，爲尉及良時。高論窮諸國，長才併幾司。地傾流水疾，山疊過雲遲。暇日琴書畔，何人對手棋。

送友人許棠

離鄉積歲年，歸路遠依然。夜火山頭市，春江樹杪船。干戈愁髻改，瘴癘喜家全。何處營甘旨，潮濤浸薄田。

送許棠下第遊蜀

天下猿多處，西南是蜀關。馬登青壁瘦，人宿翠微閒。帶雨逢殘日，因江見斷山。行歌風月好，莫老錦城間。

送許棠及第歸宜州

雅調一生吟，誰爲晚達心。旁人賀及第，獨自卻沾襟。冥別喧天樂，家歸礙日岑。青門許攀送，故里接雲林。

全五代詩卷二十二

吳

張喬二

送友人及第歸江南

豈易及歸榮。辛勤致此名。登車思往事。迴首勉諸生。路遠山光曉。帆通海氣清。秋期卻閒坐。林下聽江聲。

送友人歸袁州

袁江猿鳥清。曾向此中行。才子登科去。諸侯掃榻迎。山藏明月浦。樹遶白雲城。遠想安親後。秋風夢不驚。

送韓處士歸少室山

江外歷千岑。還歸少室吟。地閒緱嶺月。窗迴洛城砧。石竇垂寒乳。松枝長別琴。他年瀑泉下。亦擬習家林。

送友人歸宣州

失計復離愁。君歸我獨遊。亂花藏道發。春水遶鄉流。暝火叢橋市。晴山疊郡樓。無爲謝公戀。吟過晚蟬秋。

送友人歸宜春

落花兼柳絮。無處不紛紛。遠道空歸去。流鶯獨自聞。野橋喧磴水。山郭入樓雲。故里南陔曲。秋期更送君。

元僧圓至注三體唐詩以南陵爲南陵云喬之故里喬池人南陵隸宣非也自言宜春故里歌南陵笙詩貢士更入京耳

送友人歸江南

辛勤同失意，迢遞獨還家。落日江邊笛，殘春島上花。親安誠可喜，道在亦何嗟。誰伴高吟處，晴天望九華。

送人歸江南

貧歸無定程，水宿與山行。未有安親計，難爲去國情。島煙孤寺磬，江月遠船笙。思苦秋迴日，多應吟更清。

送友人東歸

遠涉期秋卷，將行不廢吟。故鄉芳草路，來往別離心。挂席春風盡，開齋夏景深。子規誰共聽，江月上青岑。

送友人北遊

東歸未遂心，北去幾沈吟。把酒思鄉遠，投人入塞深。晉山擎白道，汾水截青林。想見連天雪，安知是積霖。

江山送友人南遊

何處積鄉愁，天涯聚亂流。岸長羣岫晚，湖闊片帆秋。買酒過漁舍，分燈與釣舟。瀟湘見來雁，應念獨邊遊。

送友人遊湖南

所投非舊知，亦似有前期。路向長江上，帆揚細雨時。春生南嶽早，日轉大荒遲。盡採瀟湘句，重來會近期。

送蜀客

劍閣緣空去。西南過幾州。丹霄行客語。明月杜鵑愁。露帶山花落。雲隨野水流。相如曾醉地。莫滯少年遊。

送友人遊蜀

此心知者稀。欲別倍相依。無食擬同去。有家還未歸。巴山開國遠。劍道入天微。必恐臨邛客。疑君學賦非。

送陸處士

嶓前放浩歌。使起泛煙波。舟楫故人少。江湖明月多。孤峰經宿上。僻寺共雲過。若向仙巖住。還應著薜蘿。

送賓貢金夷吾奉使歸本國

渡海登仙籍。還家備漢儀。孤舟無岸泊。萬里有星隨。積水浮魂夢。流年半別離。東風未迴日。音信杳難期。

送朴兌侍御歸海東

天涯離二紀。闕下歷三朝。漲海雖然闊。歸帆不覺遙。驚波時失侶。舉火夜相招。來往尋遺事。秦皇有斷橋。

送基待詔朴球歸新羅

海東誰敵手。歸去道應孤。闕下傳新勢。船中覆舊圖。窮荒迴日月。積水載寰區。故國多年別。桑田復在無。

李道士歸南嶽

千峰隔湘水。迢遞掛帆歸。掃月眠蒼壁。和雲著褐衣。洞虛懸溜滴。徑狹長松圍。只恐相尋日。人間舊識稀。

送僧鸞歸蜀寧親

歌詩精外學。夫子是知音。坐夏宮鐘近。寧親劍閣深。高名徹西國。舊跡寄東林。自此栖禪者。因師滿蜀吟。

送僧雅覺歸海東

山川心地內。一念卽千重。老別關中寺。秋歸海外峯。鳥行來有路。帆影去無蹤。幾夜波濤息。先聞本國鐘。

送新羅僧

東來此學禪。多病念佛緣。把錫離巖寺。收經上海船。落帆敲石火。宿島汲瓶泉。永向扶桑老。知無再少年。

弔前水部賈員外

籠中江海禽。日夕有歸心。魏闕長謠久。吳山獨往深。別時羣木落。終處亂猿吟。李白墳前路。溪僧送入林。

弔建州李員外

文苑謬作曹松。松集自有弔詩。

銘旌歸故里。猿鳥亦悽然。已葬桐江月。空迴建水船。客傳爲郡日。僧說讀書年。恐有吟魂在。深山古木邊。

弔栖白上人

今古遞相送。幾時無逝波。篇章名不朽。寂滅理如何。內殿流眞影。閒房落貝多。從茲高塔寺。惆悵懶經過。

弔造微上人

至人隨化往。遺路自堪傷。白塔收眞骨。青山閉影堂。鐘殘含細韻。烟滅有餘香。松上齋烏在。遲遲立夕陽。

題賈島吟詩臺

吟魂不復遊。臺亦似荒邱。一徑草中出。長江天外流。暝烟寒鳥集。殘月夜蟲愁。願得生禾黍。鋤平恨卽休。

經九華山費徵君故居

草堂蕪沒後，來往問樵翁。斷石荒林外，孤墳晚照中。數溪分大野，九子立寒空。烟壁曾行處，青雲路不通。

經宣城元員外山居

無人襲仙隱，石室閉空山。避燒猿猶到，隨雲鶴不還。澗荒巖影在，橋斷樹陰閒。但有黃河賦，長留在世間。

經隱巖舊居

夜久村落靜，徘徊楊柳津。青山猶有路，明月已無人。夢寐生前事，星霜倦此身。嘗期結茅處，來往躡遺塵。

題元哲禪師影堂

吾師視化身，一念卽遺塵。巖谷藏虛塔，江湖散學人。雲迷禪處石，院掩寫來真。寂寞焚香後，閒堦細草生。

聽琴

清月轉瑤軫，弄中湘水寒。能令坐來客，不語自相看。靜恐鬼神出，急疑風雨殘。幾時歸嶺嶠，更過洞庭彈。

和崔監察題興善寺古松

種種近王城，前朝古寺名。瘦根盤地遠，香吹入雲清。鶴動池臺影，僧禪雨雪聲。看來人旋老，因此歎浮生。

題小松

松子落何年，纖枝長水邊。剗開深磳雪，移出遠林烟。帶月栖幽鳥，兼花灌冷泉。微風動清韻，閒聽罷琴眠。

蟬

先秋蟬一悲。長是客行時。曾感去年者。又鳴何處枝。細聽殘韻在。迴望舊聲遲。斷續誰家樹。涼風送別離。

華山

青蒼河一隅。氣狀杳難圖。卓傑三峰出。高奇四岳無。力疑擎上界。勢獨壓中區。衆水東西走。羣山遠近趨。天迴諸宿照。地聳百靈扶。石壁煙霞麗。龍潭雨露纍。澄凝臨甸服。險固束神都。淺覺川原異。深應日月殊。鶴歸青靄合。仙去白雲孤。瀑溜斜飛凍。松長倒掛枯。每來尋洞穴。不擬返江湖。儻有芝田種。巖間老一夫。

試月中桂

與月轉洪濃。扶疎萬古同。根非生下土。葉不墮秋風。每以圓時足。還隨缺處空。影高羣木外。香滿一輪中。未種丹霄日。應虛玉兔宮。何當因羽化。細得問元功。

興善寺貝多樹

還應毫末長。始見拂丹霄。得子從西國。成陰見昔朝。勢隨雙刹直。寒出四牆遙。帶月啼春鳥。連空噪暝蜩。遠根穿古井。高頂起涼飈。影動懸燈夜。聲繇過雨朝。靜遲松桂老。堅任雪霜凋。永共終南在。應隨劫火燒。

哭陳陶

先生抱衰疾。不起茂陵間。夕臨諸孤少。荒居弔客還。遺文禪東岳。留語葬鄉山。多雨銘旌故。殘燈素帳閒。樂章誰與集。壠樹卽堪攀。神理今難問。予將叫帝關。

書邊事

萬里沙西寇已平。犬羊羣外築空城。分營夜火燒雲遠。校獵秋鵬掠草輕。秦將力隨胡馬竭。蕃河流入漢家清。羌戎不識干戈老。須賀今時聖主明。

歸舊山

昔年山下結茅茨。村落重來野徑移。樵客相逢悲往事。林僧閒坐問歸期。異藤遍樹無空處。幽草緣溪少歇時。此景一拋吟欲老。可能文字聖朝知。

望巫山

溪疊雲深轉谷遲。暝投孤店草蟲悲。愁連遠水波濤夜。夢斷空山雨雹時。邊海故園荒後賣。入關元髮夜來衰。東歸未必勝羈旅。況是東歸未有期。

謝公亭懷古

謝家煙徑長莓苔。牢落虛欄竹上開。流水不將山色去。閒雲時帶角聲來。六朝舊跡遺詩在。三楚空江有雁迴。達理始應惆悵盡。因僧清話憶天台。

一本題作宣州開元寺閣。與此大同小異。附錄。謝家煙徑長莓苔。金碧虛欄竹上開。流水遠分山色斷。清猿時帶角聲來。六朝明月惟詩在。三楚空山有雁迴。達理

始應盡惆悵。僧

閒應得話天台。

題河中鵲雀樓

高樓懷古動悲歌。鵲雀今無野雀過。樹隔五陵秋色早。水連三晉夕陽多。漁人遺火成寒燒。牧笛吹風起

夜波十載重來值搖落天涯歸計欲如何。

七松亭

七松亭上望秦川。高鳥閒雲滿目前。已比子真棲谷口。豈同陶令臥江邊。臨崖把卷驚迴燒。掃石留僧聽遠泉。明月影中宮漏近。佩聲應宿使朝天。

七松亭。鄭少師蕭隱岩別墅中亭也。蕭歸老。築隱岩。時松七。本號七松處士。自謂異代可與五柳先生作對。詩中用子真陶令以此。詳見新唐史及南部新書。

贈友人

自說安貧歸未得。竹邊門掩小池冰。典琴賒酒吟過寺。送客思鄉上灞陵。待月夜留煙鳥客。憶雲閒訪翠微僧。幾時獻了相如賦。去向嵩山採茯苓。

贈頭陀僧

自說年深別石橋。遍遊靈跡熟南朝。已知世路皆虛幻。不覺空門是寂寥。滄海附船浮浪久。碧山尋塔上雲遙。如今竹院藏衰老。一點寒燈弟子燒。

城東寓居寄知己

花木閒門苔蘚生。滄川特去得吟情。病來久絕洞庭信。年長卻思廬岳耕。落日獨歸林下宿。暮雲多遶水邊行。干時退出長如此。頻愧相憂道姓名。

送何道士歸山

身非絕粒本清羸。東掛仙經杖一枝。落葉獨尋流水去。深山長與白雲期。樹臨丹竈寒花疾。壇近青嵐夜月遲。樵客若能過洞裏。迴歸人世始應悲。

對月二首

盈缺青冥外。東風萬古吹。何人種丹桂。不長出輪枝。

圓魄上寒空。皆言四海同。安知千里外。不有雨兼風。前首疑話。此首又真話也。

送人及第歸海東

東風日邊起。草木一時春。自笑中華路。年年送遠人。

漁家

擁棹思悠悠。更深泛積流。唯將一星火。何處宿蘆洲。

長門怨

御泉長繞鳳皇樓。自是恩波別處流。閒撲舞衣歸未得。夜來砧杵六宮秋。

自諒

每到花時恨道窮。一生光景半成空。只應抱璞非良玉。豈得年年不至公。不怨人而自怨。厚之至也。

春日有懷

高下尋花春景遲。汾陽臺榭白雲詩。看山懷古翻惆悵。未勝遙傳不到時。
春日遊曲江

日煖鴛鴦拍浪春。兼葭浦際聚青蘋。若論來往鄉心切。須是烟波島上人。
九華樓晴望

一夜江潭風雨後。九華晴望倚天秋。重來此地知何日。欲別殷勤更上樓。
臺城

宮殿餘基長草花。景陽宮樹噪村鴉。雲屯雉堞依然在。空繞漁樵四五家。
潭上作

竹島殘陽映翠微。雪翎禽過碧潭飛。人間未有關身事。每到漁家不欲歸。
谷口作

巴客青冥過嶺塵。雪崖交映一川春。晴朝采藥尋源去。必恐雲深見異人。
宿洛都門

山川馬上度邊禽。一宿都門永夜吟。客路不歸秋又晚。南風吹動洛陽砧。
宿潺湲亭

走月流烟疊樹西。聽來愁甚聽猿啼。幾時御水聲邊住。卻夢潺湲宿此溪。

宿齊山僧舍

一宿經牕臥白波。萬重歸夢隔煙蘿。若言不得南宗要。長在禪床事更多。

題上元許棠所任王昌齡廳

琉璃堂裏當時客。久絕吟聲繼後塵。百四十年庭樹老。如今重得見詩人。

遊邊感懷二首

貧遊繚繞困邊沙。卻被遼陽戰士嗟。不是無家歸不得。有家歸去似無家。兄弟江南身塞北。雁飛猶自半年餘。夜來因得思鄉夢。重讀前秋轉海書。

宴邊將

一曲涼州金石清。邊風蕭颯動江城。坐中有老沙場客。橫笛休吹塞上聲。

贈河南詩友

山東令族玉無塵。裁剪烟花筆下春。不把瑤華借風月。洛陽才子更何人。

寄維揚故人

離別河邊綰柳條。千山萬水玉人遙。月明記得相尋處。城鎖東風十五橋。

寄弟

故里行人戰後疎。青崖萍寄白雲居。那堪又是傷春日。把得長安落第書。

寄清越上人

眞性本來無所染。白雲那得有心期。遠公猶刻蓮花漏。獨向空山禮六時。

寄山僧

閒倚蒲團向月眠。不能歸老岳雲邊。舊時僧侶無人在。惟有長松見少年。

越中贈別

東越相逢幾醉眠。滿樓明月鏡湖邊。別離吟斷西陵渡。楊柳秋風兩岸蟬。

河湟舊卒

少年隨將討河湟。頭白時清返故鄉。十萬漢軍零落盡。獨吹邊曲向殘陽。

漁者

首戴圓荷髮不梳。葉舟爲宅水爲居。沙頭聚看人如市。釣得澄江一丈魚。

孤雲

舒卷因風何所之。碧天孤影勢遲遲。莫言長是無心物。還有隨龍作雨時。

詠碁子贈弈僧

黑白誰能用。入元千回生死體。方圓空門說得恆沙劫。應笑終年爲一先。

剪雨裁煙一節秋。落梅楊柳曲中愁。尊前暫借殷勤看。明日曾聞向隴頭。

鷺鷥障子

剪得機中如雪素。畫爲江上帶絲禽。閒來相對茅堂下。引出烟波萬里心。

猿

挂月棲雲向楚林。取來全是爲清音。誰知繫在黃金索。翻畏侯家不敢吟。

促織

念爾無機自有情。迎寒辛苦弄梭聲。椒房金屋何曾識。偏向貧家壁下鳴。

全五代詩卷二十三

吳

高越

越字仲遠。幽州人。仕吳授祕書郎。終勤政殿學士。戶部侍郎。南唐近事。鄂帥李公將妻以愛女。越竊喻其意。因題鷹一絕云。

詠鷹

雪爪星眸世所稀。摩天專待振毛衣。虞人莫謾張羅網。未肯平原淺草飛。

沈彬

彬字子文。高安人。唐末應進士不第。浪跡湖湘。嘗與僧虛中。齊己爲詩友。事吳爲祕書郎。以吏部郎中致仕。年八十餘。李璟以舊恩召見。賜粟帛。官其子。雅言雜載。彬爲詩。天才狂逸。下筆成章。好神仙之事。少孤。西遊以三舉爲約。嘗夢着錦綵衣。貼

月而飛。識者言雖名播天下。身不入月。終不及第。洪州解至長安。初舉行納省卷。作夢仙謠曰。玉殿大開從客入。金桃爛熟無人偷。鳳驚寶扇頻翻翅。龍謾金鞭忽轉頭。第二舉云云。第三舉贈劉象云云。劉象三舉無成。孤寒主司覽彬詩。其年放棄及第。五老勝卽其數也。五代史補。彬遊長沙。會武穆方霸。彬獻頌德詩曰。金翅動身摩日月。銀河轉振洗乾坤。覽而喜之。總龜。李昇移鎮金陵。旁羅隱逸。沈彬赴辟。知其欲取楊氏。因獻山水圖詩云。須如手筆安排定。不怕山河整頓難。覽之而

喜。馬壽本傳。彬工詩。而未嘗喜名。如再過金陵詩云。又都門送客詩云。皆盛稱于士大夫。野客叢書。四清詩話曰。許昌西湖展江亭。宋元憲留願。有鑿開魚鳥忌情地。展盡江湖極目天之句。皆曠古未有。然本于五代。馬殷建明月園。徐仲雅詩。鑿開青帝春風園。移下嬋娟夜月樓。僕謂又不止此。觀唐沈彬望廬山詩。壓低吳楚遙涵水。約破靈霞獨倚天。前此蓋有是意。詩史。桂林山皆平地拔起千百丈。石如染黛。陽朔縣尤佳。沈彬有詩云云。零陵憶記。法華寺在永州東南一里。城郭林樾。交爲掩映。名士多題咏之。沈彬云。地隈一水巡城轉。天約羣山附郭來。可謂盡其狀。郡閣雅談。王定保。唐光化二年及第。吳子華侍郎贊爲婿。子華卽世。定保南游湖湘。無北歸意。吳假緇服。自長安來訪其良人。白於馬武穆王。令引見。定保隔簾謂之曰。先侍郎重先聲名。行。俾妾侍箕帚。侍郎沒。先報以妾改適。是以不遠千里來。明侍郎之志。定保不勝慚赧。致書武穆。乞爲增吳確乎不拔。定保爲盟。畢世不婚矣。吳歸吳中外家。沈彬有詩贈王云云。全唐詩話。彬有紀事句云。九衢冠蓋暗爭路。四海干戈多異心。又湘江行云。數家魚網疎雲外。一岸殘陽細雨中。又與潘天錫同題古觀云。松欹晚影離增草。鐘撼秋聲入殿風。又有句云。半身落日離桑樹。一路平蕪入楚烟。清占月中三峽水。麗偷雲外十洲春。幽鳥喚人穿竹去。野猿尋果出雲來。皆爲人傳誦。江南野錄。彬臨終。指葬處以示家人。穴之。乃一冢。石燈臺。上有漆燈一。墳頭有一銅牌。鐫篆文云。佳城今已開。雖開不葬埋。漆燈猶未滅。留待沈彬來。

入塞曲

欲爲皇王服遠戎。萬人金甲鼓鼙中。陣雲黯塞三邊黑。兵血愁天一片紅。半夜翻雲旗攪月。深秋防戍劍磨風。謗書未及明君熟。臥骨將軍已殁功。

苦戰沙門臥箭痕。戍樓閣上望星文。生希沙漠擒驕虜。死奪河源答聖君。爲覩敗兵埋白草。馬驚邊鬼哭陰雲。功多地遠無人紀。漢閣笙歌日又曛。

塞下曲

塞葉聲悲秋欲霜。寒山數點下牛羊。映霞旅雁隨疎雨。向磧行人帶夕陽。邊騎不來沙路失。國恩深後海城荒。胡兒向化新成長。猶自千迴問漢王。

貴主和親殺氣沉。燕山閑獵鼓聲音。旗分雪草偷邊馬。箭入寒雲落塞禽。隴月盡牽鄉思動。戰衣誰寄淚痕深。金釵謾作封侯別。劈破佳人萬里心。

月冷榆關過雁行。將軍塞笛老思鄉。貳師骨恨千夫壯。李廣橫飛一劍長。戍角就沙催落日。陰雲分磧護飛霜。誰知漢武興中國。閑奪天山草木荒。

秋日

秋含砧杵擣斜陽。笛引西風顚氣涼。薜荔惹烟籠蟋蟀。菱荷翻雨潑鴛鴦。當年酒賤何妨醉。今日時難不易狂。腸斷舊遊從一別。潘安惆悵滿頭霜。

金陵雜題二首

王氣生秦四百年。晉元東渡浪花船。正慙海內皆塗地。來保江南一片天。古樹著行臨遠岸。暮山相亞出微烟。千征萬戰英雄盡。落日牛羊食野田。

暮潮聲落草光沉。賈客來帆宿岸陰。一笛月明何處酒。滿城秋色幾家砧。時清曾惡桓溫盛。山翠長牽謝傅心。今日到來何物在。碧烟和雨鎖寒林。

麻姑山

紺殿松蘿太古山。仙人曾此話桑田。閑傾雲液十分日。已過浮生一萬年。花洞路中逢鶴信。水簾巖底見龍眠。我來遊禮酬心願。欲共怡神契自然。

題蘇仙山

眼穿林罅見郴州。井里交連側局楸。味道不來閑處坐。勞生更欲幾時休。蘇仙宅古烟霞老。義道墳荒草木愁。千古是非無處問。夕陽西去水東流。

憶仙謠

白榆風颭九秋天。王母朝迴宴玉樓。日月漸長雙鳳睡。桑田欲變六鼇愁。雲翻簫管相隨去。星觸旌幢各自流。詩酒近來狂不得。騎龍卻憶上清遊。

納省卷贈爲首劉象

曾應大中天子舉。四朝風月鬢蕭疎。不隨世祖重攜劍。卻爲文皇再讀書。十載戰塵銷舊業。滿城春雨壞貧居。一枝何事爲君借。仙桂年年幸有餘。

贈王定保

仙桂曾攀第一枝。薄遊湘水阻佳期。臯橋已失齊眉願。蕭寺行逢落髮師。廢苑露寒蘭寂寞。丹山雲斷鳳參差。聞公已有平生約。謝絕女蘿依翠絲。

結客少年場行

重義輕生一劍知。白虹貫日報讐歸。片心惆悵清平世。酒市無人問布衣。

陽朔碧蓮峯

陶潛彭澤五株柳。潘岳河陽一縣花。兩處爭如陽朔好。碧蓮峰裏住人家。

再過金陵

玉樹歌終王氣收。雁行高送石城秋。江山不管興亡事。一任斜陽伴客愁。

都門送別

岸柳蕭疎野荻秋。都門行客莫回頭。一條瀟水清如劍。不爲離人豁斷愁。

弔邊人

殺聲沉後野風悲。漢月高時望不歸。白骨已枯沙草上。家人猶自寄寒衣。

沈廷瑞

廷瑞高安人。吏部侍郎彬之第二子。初名有鄰。棄妻人道。居玉笥。浮雲二山。化後。人猶常見之。江南野錄。廷瑞性樞率。直造縣宰之坐。宰方治訟。而廷瑞至。宰戲之曰。沈道士何時成道。廷瑞應聲曰。何須問我。成道時云云。雅言雜錄。廷瑞寄食閬皂山。舉作異俗輩。盛夏常火。嚴寒單衣。問其故。終不答。與袁州陳知周相善。興國中。無病卒於玉笥觀。數年。有人於江筠路次。見廷瑞共語久之。令人將詩寄知周。知周得詩甚訝。詩曰。名山相別後云云。全唐詩話。華蓋山事實云。昭瑩遇廷瑞後。開壘視之。惟見空棺。穴旁得片紙。遺詩云。虛勞營殯玉山前。殯後那知已脫蟬。應是元神歸洞。

府更無遺魄在黃泉。靈臺已得修真訣。塵世空留悟道篇。堪歎浮生今古事。北邙山下草芊芊。郡閣雅談。廷瑞每遇深山古洞。數目不返。嚴寒風雪。常單衣危坐。或絕食經月。或縱酒行歌。絳峭壁。升喬木。若猿猱之狀。骨肉相尋。便卻走避。忘情混俗。人莫測之。雍熙二年正月內。於玉筍山無病而終。將畫口土宿一幀。度人經一卷。隨葬後。有闍皂小僧昭瑩。於山門數里相遇。問所往。云暫別廬山尋知己。留下土宿一幀。及度人經一卷。五言詩一首。爲別詩曰。南北東西路云云。後昭瑩到玉筍山。具說途中相遇。并所留土宿及經詩示於人。衆皆駭異。實其文。驗其事。卽尸解而去。

贈僧昭瑩

南北東西路。人生會不無。早曾依闍皂。又卻上元都。雲片隨天闊。泉聲落石孤。何期早相遇。樂共煮菖蒲。

寄袁州陳智周

名山相別後。別後會難期。金鼎銷紅日。丹田老紫芝。訪君雖有路。懷我豈無詩。休羨繁華事。百年能幾時。

答高安宰

何須問我道成時。紫府清都自有期。手握藥苗人不識。體含金骨俗爭知。書符解遣龍蛇走。動印還教海岳移。他日丹霄誰是侶。青童引駕紫霄隨。

楊 夔

夔唐末爲吳楊行密將田頔客。集五卷。

吟窗雜錄。夔嘗著元書三卷。馳名於世。下第。鄭谷贈二絕云。散賦元書高且奇。百篇仍有百篇詩。江湖休洒春風淚。十軸香於一桂枝。時無韓

柳道難窮也。覺天公不至。公看取年年金榜上。幾人才氣似揚雄。十國春
秋。頃有雋才。知顧不足以抗太祖。著兩賦數百言以戒之。顧不用。竟至於敗。

寧州道中

城枕蕭關路。胡兵日夕臨。唯憑一炬火。以慰萬人心。春老雪猶重。沙寒草不深。如何驅匹馬。向此獨閑吟。

尋九華王山人

下馬叩荆扉。相尋春半時。捫蘿盤磴險。疊石渡溪危。松夾莓苔徑。花藏薜荔籬。臥雲情自逸。名姓厭人知。

金陵逢張喬

殊鄉會面時。辛苦兩情知。有志年空過。無媒命共奇。吟餘春漏急。語舊酒巡遲。天爵如堪倚。休驚鬢上絲。

送鄒尊師歸洞庭

衆島在波心。曾居舊隱林。近聞飛檄急。轉憶臥雲深。賣藥惟供酒。歸舟只載琴。遙知明月夜。坐石自開襟。

送日東僧遊天台

一瓶離日外。行指赤城中。去自重雲下。來從積水東。攀蘿躋石徑。挂錫憩松風。迴首雞林道。惟應夢想通。

題甘露寺

高殿拂雲霓。登臨想虎溪。風勻帆影衆。烟亂鳥行迷。北倚波濤闊。南窺井邑低。滿城塵漠漠。隔岸草萋萋。虛閣延秋磬。澄江響暮鼙。客心還惜去。新月挂樓西。

送張相公出征

得意在中年。登壇秉國權。漢推周勃重。晉讓趙宣賢。儒德尼邱降。兵鈴太白傳。援豪飛鳳藻。發匣吼龍泉。歷火金難耗。零霜桂益堅。從來稱玉潔。此更讓朱妍。鴛鴦臻門下。貔貅擁帳前。去知清朔漠。行不費陶甄。獻畫符中旨。推誠契上元。願將班固筆。書頌勒燕然。

題鄭山人郊居

谷口今逢辟世才。入門瀟灑絕塵埃。漁舟下釣乘風去。藥醞留賓待月開。數片石從青嶂得。一條泉自白雲來。竹軒相對無言語。盡日南山不欲迴。

題宣州延慶寺益公院

嘿坐能除萬種情。臘高兼有賜衣榮。講經舊說傾朝聽。登殿曾聞降輦迎。幽徑北連千嶂碧。虛窗東望一川平。長年門外無塵客。時見元戎駐旆旌。

寄當陽袁皓明府

高人爲縣在南京。竹遶琴堂水遶城。地古旣資攜酒興。務閑偏長看山情。松軒待月僧同坐。藥圃尋花鶴伴行。百里甚堪留惠愛。莫教空說魯恭名。

送杜郎中入茶山修貢

一道澄瀾徹底清。仙郎輕棹出重城。探蘋虛得當時稱。述職那同此日榮。劍戟步搖高嶂黑。綺羅光動百

花明謝公攜妓東山去。何似乘春奉詔行。

送鄭谷

春江漱漱清且急。春雨濛濛密復疎。一曲狂歌兩行淚。送君兼寄故鄉書。

沈顏

顏字可鑄。德清人。天復初。登進士第。授校書郎。入吳。爲淮南巡官。累遷禮儀使。兵部郎中。仕至翰林學士。知制誥。著有陵陽集。

十國春秋。顏少有詞藻。琴弈皆臻神境。時人爲之語曰。下水船。言爲文精速。無不載也。性閒淡。不樂世利。常疾當世文章浮靡。倣古著書百篇。曰聲書。凡十卷。自序

云。孟軻以後千餘年。儒者咸未有聞焉。天厭其極。付在鄙子。其誇誕如此。又有解聲書十五卷。大紀賦一卷。登華旨象刑解。待辨護國諸文。及宣州重建小縣記行曲。全唐詩話。顏有題縣令范傳真化洽亭云。前有淺山。屹然如屏。後有卑嶺。繚然如城。跨池左右。足以建亭。斯亭何有。化洽而成。

書懷寄友人

江湖勞遍尋。祇自長愁襟。到處慵開口。何人可話心。登樓得句遠。望月抒情深。卻憶山齋後。猿聲相伴吟。

王希羽

希羽。池州人。天復元年。登進士第。授祕書省正字。後與楊夔康駢客於田頔。詩一卷。

五代詩話。荷鶴遇知於朱

溫，遂名春官。于裴贊侍郎下第八人登科。大順三年正月十日，荀鶴生日也。九華王希白羽士獻詩云云。按此出洞微志。一作希白羽士，一又作羽。

贈杜荀鶴及第

金榜曉懸生世日，玉書潛記上升時。九華山色高千尺，未必高於第八枝。

黃冠道人

道人不知其名，自云鍾離人。

十國春秋：高祖行密改元開國時，廣陵殷盛，士庶駢闐。道人狀如病狂，手持一竿，竿頭懸一木刻爲鯉魚形，行歌於市云云。其類此惑者凡數十章。時人莫能曉，後徐知

諡禪代復姓李氏，其言始應。

歌

盟津鯉魚肉爲角，濠梁鯉魚金刻鱗。盟津鯉魚死欲盡，濠梁鯉魚始驚人。橫排三十六條鱗，個個圓如紫磨真。爲甚竿頭挑着定，世間難遇識魚人。

郭仁表夢中道士

夢中辭

稽神錄：僞吳春坊吏郭仁表，居治城北。甲寅歲，得疾沈痾。夢道士衣金花紫帔，入坐堂上。仁表初不甚收，因問疾。何時可愈？道士色厲曰：甚則有之。既寤，疾甚。復夢前道士至，因叩頭遜謝。道士色解，索紙筆書授之。因爾病愈。

飄風暴雨可思惟，鶴望巢門斂翅飛。吾道之宗正可依，萬物之先數在茲。不能行此欲何爲。

雲表

雲表唐末於豫章講法華慈恩大疏法席稱善

寒食日

寒食悲看郭外春。野田無處不傷神。平原疊疊添新塚。半是去年來哭人。

歸仁

歸仁唐末江南僧住京洛靈泉

自遣

日日爲詩苦。誰論春與秋。一聯如得意。萬事總忘憂。雨墮花臨砌。風吹竹近樓。不吟頭也白。任白此生頭。

牡丹

三春堪惜牡丹奇。半倚朱欄欲綻時。天下更無花勝此。人間偏得貴相宜。偷香黑蟻斜穿葉。覷蕊黃蜂倒挂枝。除卻解禪心不動。等應狂殺五陵兒。

隱櫓

隱櫓唐末匡廬僧

牧童

牧童見人俱不識。盡着芒鞋戴箬笠。朝陽未出衆山晴。露滴蓑衣猶半溼。二月三月時。平原草初綠。三箇五箇騎羸牛。前村後村來放牧。笛聲纔一舉。衆稚齊歌舞。看看白日向西斜。各自騎牛又歸去。

蜀中送人遊廬山

君遊正重芳春月，蜀道千山皆秀發。
溪邊十里五里花，雲外三峯兩峯雪。
君上匡山我舊居，松蘿拋擲十年餘。
君行試到山前問，山鳥只今相憶無。

逢老人

路逢一老翁，兩鬢白如雪。
一里二里行，四回五回歇。

浮橋

橫壓驚波防沒溺，當初元創是軍機。
行人到此全無滯，一片江雲踢欲飛。

冷然

冷然唐末僧

宿九華化成寺莊

佛寺孤莊千嶂間，我來詩境強相關。
巖邊樹動猿下澗，雲裏錫鳴僧上山。
松月影寒生碧落，石泉聲亂噴潺湲。
明朝更躡層霄去，誓共烟霞到老閑。

修睦

修睦光化中爲洪州僧正，與貫休、處默、棲隱爲詩友。

秋日閒居

是事不相關。誰人似此閒。卷簾當白晝。移榻對青山。野鶴眠松上。秋苔長雨間。岳僧頻有信。作日得書還。

宿岳陽開元寺

竟夕憑虛檻。何當與歎頻。往來人自老。今古月常新。風逆沈魚唱。松疎露鶴身。無眠鐘又動。幾客在迷津。

送邊將

人盡有離別。而君獨可嗟。言將身報國。敢望祿榮家。戰思風吹野。鄉心月照沙。歸期定何日。塞北樹無花。

雪中送人北遊

然知心去速。其奈雪飛頻。莫喜無危道。雖平更陷人。遠郊光接漢。曠野色通秦。此去迢遙極。卻迴應過春。

落葉

雨過閑田地。重重落葉紅。翻思向春日。肯信有秋風。幾處隨流水。河邊亂暮空。祇應松自立。而不與君同。

落花

一片又一片。等閑苔面紅。不能延數日。開亦是春風。公子歌聲歇。詩人眼界空。遙思故山下。經雨兩三叢。

題田道者院

入門空寂寂。真是出家兒。有行鬼不見。無心人謂癡。古巖寒柏對。流水落花隨。欲別一何懶。相從所恨遲。

東林寺

欲去不忍去。徘徊吟繞廊。水光秋淡蕩。僧好語尋常。碑古苔文疊。山晴鐘韻長。翻思南岳上。欠此白蓮香。

寄貫休上人

常語亦關詩。常流安得知。楚郊來未久。吳地住多時。立月無人近。歸林有鶴隨。所居渾不遠。相識偶然遲。喜僧友到。

懷虛中上人

十年消息斷。空使夢烟蘿。嵩嶽幾時下。洞庭何日過。瓶乾離澗久。衲壞臥雲多。意欲相留住。游方肯舍麼。簷雨滴更殘。思君安未安。湘川聞不遠。道路去尋難。吟鬢霜應蝕。禪衣雪漸寒。倚松因獨立。一鳥下江干。睡起作。

賣松者

長空秋雨歇。睡起覺精神。看水看山坐。無名無利身。偈吟諸祖意。茶碾去年春。此外誰相識。孤雲到砌頻。求利有何限。將松入市來。直饒人買去。也向柳邊栽。細葉猶粘雪。孤根尙惹苔。知君用心錯。舉世重花開。思齊已上人。

送元泰禪師

同人與流俗。相謂好襟靈。有口不他說。長年自誦經。水聲秋後石。山色晚來庭。客問修何法。指松千歲青。去去去何住。一盂兼一瓶。水邊寒草白。島外晚峯青。宿處林間虎。行時天有星。回期誰可定。浮世重看經。三生石。

聖迹誰會得。每到亦徘徊。一向不可得。三從何處來。清宵寒露滴。白晝野雲隈。應是表靈異。凡情安可猜。

題僧夢微房

東海日未出。九衢人已行。吾師無事坐。苔蘚入門生。雨過閑花落。風來古木聲。天台頻說法。石壁欠題名。

秋臺作

獨上高樓上。客情何物同。孤雲無定處。長日信秋風。兄弟多年別。關河此夕中。到頭歸去是。免使歎洪濛。

簡寂觀

正同高士坐。烟霞思著閒。忙又是嗟。碧岫觀中人似鶴。紅塵路上事如麻。石肥滯雨添蒼蘚。松老涵風落翠花。莫道此間無我分。遺民長在惠持家。

懷故園

故園歸未得。此日意何傷。獨坐水邊草。水流春日長。

栖

栖一武昌人

堦下懷古

緬想咸陽事可嗟。楚歌哀怨思無涯。八千子弟歸何處。萬里鴻溝屬漢家。弓指陣前爭日月。血流堦下定龍蛇。拔山力盡烏江水。今古悠悠空浪花。

武昌懷古

戰國城池盡悄然。昔人遺迹遍山川。
笙歌罷歇幾多日。臺榭荒涼七百年。
蟬響夕陽風滿樹。雁橫秋島雨漫天。
堪嗟世事如流水。空見蘆花一釣船。

甘露寺鬼

西軒詩

全唐詩。吳王敗復浙右之明年。甘露寺僧夏夜月明持課。俄見數鬼。自西軒出。坐定命酒。南向一人。衣南朝衣。西向一人。衣北朝衣。北向一人。衣縫掖衣。東向一人。衣朱衣。清瘦多髯。相顧言曰。朝代雖殊。古今一致。時世命也。知復何言。以代絲竹可乎。衆曰。可。於是各賦四句。吟罷。長鐘鳴。條各散。

趙壹能爲賦。鄒陽解獻書。所惜西江水。不救轍中魚。

唐衣者

偉哉橫海鱗。壯矣垂天翼。一旦失風水。翻爲螻蟻食。

縫掖衣者

功遂侔昔人。保退無智力。既涉太行險。茲路信難陟。

南朝衣者

握裏龍蛇紙上鸞。逡巡千幅不將難。顧雲已往羅隱老。更有何人逞筆端。

朱衣者

九華山白衣

吟五代史補晉昌唐進士隱九華山夜步林中有白衣丈夫戴紗巾貌孤俊年近五十循問而來吟步自若將與之言未及而沒明日燕士問里人有識者曰是吳氏子舉進士善爲詩卒數年矣河東記無名小鬼贈韋齊休詩云澗水瀾瀾流不絕

芳草綿綿野花發自去自來人不知黃帝惟有青山與此互異未知孰是

澗水瀾瀾聲不絕溪墀茫茫野花發自去自來人不知歸時惟對空山月

故臺城妓

詩全唐詩話金陵黃進士夢遇臺城故妓自云今爲吳神樂部其詩云云

歌罷玉樓月舞殘金縷衣
勻鈿收迸節歛袞別重圍
網斷蛛猶識梁春燕不歸
那堪迴首處江步野棠飛

維揚少年

答孟氏

全唐詩維揚萬貞娶海春坊孟氏爲妻美容質有詞藻貞商於外孟氏遊家園獨吟而泣云可惜花時節依然獨自遊無端兩行淚長祇對花流忽有少年貌甚秀麗踰垣求偶孟氏許而賦詩云誰家少年兒心中暗自欺不道終不可可即惡郎知少年亦以詩答之云云遂私焉同處踰年而夫自外至孟氏憂且泣少年曰勿爾吾固知其不久也忽騰身而沒不知爲何怪

神女得張碩文君遇長卿
逢時兩相得聊足慰多情

汪少微硯銘

苕溪漁隱叢話東坡云余家有硯底有款識云吳順義元年處士汪少微銘云云所頌者三物耳蓋硯與少微爲五耶

松檠凝烟楮英鋪雪
毫穎如飛人間五絕

全五代詩 卷二十三

魚腹丹書

吳甌漁人張胡子。嘗于太湖中。釣則一巨魚。腹上有丹書字。

九登龍門山。三飲太湖水。畢竟不成龍。命負張胡子。

全五代詩卷二十四

南唐

前主李昇

前主姓李氏諱昇字正倫徐州人楊行密養爲子以乞徐溫初冒姓徐名知誥代溫秉政受楊氏禪僭帝位傳國三十九年廟號烈祖

雅言雜載昇少爲徐溫養子九歲詠燈詩云溫歎賞遂不以常兒遇之詩史李昇十歲作詠竹詩曰栖鳳枝梢猶軟弱化龍形狀已依稀

王霸之意已見一云元宗作初李昇蓄異志欲有江南雪天會羣僚宋齊邱徐鉉等出令借雪取古人名以諷之惟齊邱稱旨諷意欲挫昇昇大怒收而投之江昇曰雪下紛紛便是白起齊邱曰著履過街必須雍齒融曰明朝日出爭奈蕭何紀事先主以國用不足稅民間鵝卵出雙子者柳化爲絮者有伶人獻詞云惟願善天多瑞慶柳條結絮鵝雙生

詠燈

一點分明值萬金開時惟怕冷風侵主人若也勤挑撥敢向尊前不盡心

二主瑋瑒

二主瑋瑒字伯玉昇子嗣立僭號改元保大初名景通後奉周正朔避廟諱改名瑒降稱國主

宋建隆二年卒。其子從嘉，乞還復帝號。太祖許之，廟號元宗。

詩話：廬山百花亭刊石有句云：蒼苔迷古道，紅葉辭朝霞。元宗詩也。江表志：元宗刻江

之後，金陵對岸，卽爲敵境。因徙都豫章。上每北顧，忽忽不樂。澄心堂承旨春裕多引屏風障之。嘗自吟云：靈樑思浩渺，老鶴憶幽峒。撫遺李璟遊後湖賞蓮花作詩云：識者謂雖佳句，然宮中有佳人頭，非古語也。江表志：上友愛之分，偏極天倫。與太弟齊王、齊王弟、出處游宴，未嘗相捨。軍國之政，同爲參決。保大五年，元日大雪，上詔太弟以下登樓展宴。成命賦詩。徐鉉爲前後序。太弟合爲一圖，集名公圖繪，曲盡一時之妙。御容高冲古主之。太弟以下侍臣法部絲竹。周文矩主之。樓閣宮殿，生澄主之。雪竹寒林，董源主之。池沼會魚，徐崇嗣主之。圖成，無非絕筆。侍宴詩，機記數篇。御詩云：南唐書：王感化善謳歌，聲韻悠揚。清林太擊樂部爲歌板色。元宗嘗作浣溪沙二闕，手寫賜感化。曰：滿窗香消翠葉殘，四風愁起碧波間。還與容光共憔悴，不堪看。細雨夢回清瀾水，小樓吹徹玉笙寒。戴簫汨珠多少恨，倚闌干。手捲真珠上玉鉤，依前春恨鎖通樓。風裏落花誰是主，思悠悠。青鳥不傳雲外信，丁香空結雨中愁。回首綠波春色暮，接天流。後主卽位，感化以其詞札上之。後主感納，賞賜感化甚厚。溫叟詩語：李璟有詞云：捲真珠上玉鉤。後人改作珠簾，此非知音者。

浣溪沙曲

風暝輕雲貼水飛，乍晴池館燕爭泥。沈郎多病不勝衣。沙上未聞鴻雁信，竹間時聽鷓鴣啼。此情惟有落花知。

遊後湖賞蓮花

蓼花蘸水火不滅，水鳥驚魚銀梭投。滿目荷花千萬頃，紅碧相雜敷清流。孫武已斬吳宮女，琉璃池上佳

人頭。

保大五年元日大雪同太弟景遂汪王景暹齊王景達進士李建勳中書徐鉉勤政殿學士張義方登樓賦。

珠簾高卷莫輕遮。往往相逢隔歲華。春氣昨宵飄律管。東風今日放梅花。素姿好把芳姿掩。落勢還同舞勢斜。坐有賓朋尊有酒。可憐清味屬儂家。

後主煜

煜字重光。元宗璟子。在位十有五年。歸宋。封違命侯。開寶中。封隴西公。卒。贈吳王。嘗著雜說百篇。

翰府名談。李後主作詩。多悲感愁戚。如鬢從今日添新白。菊是去年依舊黃之類。石林燕語。江南李煜既降。太祖嘗因曲燕問。卿在國中好作詩。因使舉其得意者一聯。煜沉吟久之。誦其詠扇云。掛謨月在手。搖動風滿懷。上曰。滿懷之風。卻有多少。他日復燕煜。顧近臣曰。好一箇翰林學士。野客叢書。唐人詩句不一。固有采取前人之意。亦有偶然暗合者。如許渾詩。百年便作千年計。李後主云。人生不滿百。剛作千年計。此類甚多。又李煜錄藏藥。醉書於牖云。萬古到頭歸一死。醉鄉葬地有高原。醒而見之大悔。不久謝世。雪舟評語。後主浪淘沙詞云。簾外雨潺潺。春意闌珊。羅衾不耐五更寒。夢裏不知身是客。一晌貪歡。獨自莫凭闌。無限關山。別時容易見時難。流水落花春去也。天上人間。含情悽惋。又老學菴筆記。李後主落花詩云。驚狂應有恨。蝶蜂已無多。未幾下世。詩藏蓋有之矣。馬書注。後主樂府詞云。故國夢初歸。覺來雙淚垂。又小樓昨夜又東風。故國不堪回首月明中。馬書乾德四年。後主遣弟韓王從善入朝。留京師。後主表求從善還國。不許。自從善不還。四時宴會皆罷。登高賦文以見意。曰。原有鵲兮相從飛。嗟嗟余季兮不歸來。瀛奎律髓。冷笑秦王經遠略。靜憐姬滿苦時巡。後主詩也。海錄碎事。日映仙雲薄。秋高天碧深。李後主句。方虛谷云。李後王號能詩。集中多有病詩。憔悴

哀婉宜其亡也。如夜鼎唯煎藥，朝髭半染霜。病態知衰弱，厭厭向五年之類。苦溪漁隱叢話：西清詩話云：南唐後主閨城中，作長短句未就，而城破，櫻桃落盡，春歸去，蝶蹴金粉，雙飛子規啼月，小樓西曲，闌金銷，惆悵卷金泥，門巷寂寥，人去後，望殘燭草低迷。余嘗見殘蠹點染晦昧，心方危，存不在書耳。藝祖云：李煜嘗以作詩工夫治國事，豈爲吾粵也。按此詞爲臨江仙集中有全篇，末云：爐香閒爇鳳皇兒，空持羅帶，回首恨依依。希通錄：東坡志林載：李後主去國之詞云：二十餘年家國，數千里山河，鳳閣龍樓，連霄漢，玉樹瓊枝，作烟蘿，幾曾慣干戈。一旦歸爲臣虜，沈腰潘鬢消磨。最是蒼黃辭廟日，教坊猶奏別離歌，揮淚對宮娥。東坡謂後主當慟哭於九廟之下，謝其民而後行，卻乃揮淚宮娥，聽教坊離曲哉。直是養成兒女子態耳。江隣幾雜志：李後主作紅羅亭子，四面栽紅梅花，作豔曲歌之。韓熙載和云：桃李下誇爛熳，已輸了一江春水向南。已歸周。王氏眼淚洗面，帖雪浪齋日記：王介甫問山谷曰：李後主詞何處最佳？曰：問君能有幾多愁，恰似一江春水向東流。介甫曰：不如細雨瀟瀟光景妙。癸辛雜識：開禧歲時記云：黃姑織女時相見，太白詩云：黃姑與織女，相去不盈尺，是皆以牽牛爲黃姑。然李後主詩云：迢迢牽牛星，杳在河之陽，粲粲黃姑女，耿耿遙相望。若此，則又以織女爲黃姑何耶。楓窗小牘：李後主手題詩，有不是祖龍留面目，遺篇那得到今朝之句。書卷皆薛濤紙所抄，惟今朝誤作金朝，微嘲惡之，以筆抹去。後書見如讖入金也。馬令書周后傳：昭惠周后崩，後主自爲誄，花朝月夕，無不傷懷，如書靈筵手巾云：浮生苦惱，惟壯歲失嬋娟，汁手遺香清，孤眉染黛烟。書琵琶背云：恍自眉如顰，難勝翠縷條，天香留鳳尾，餘燠在檀槽。兩物寓意類如此。宣和遺譜：後主審音律，善書畫，其作大字，卷帛而書之，世謂撒繡書。復喜作顛掣勢，人又目其狀爲金錯刀。及歸朝，藝祖曰：煜雖有文，一翰林學士耳。御府所藏有春草賦，浩歌行，中主環草堂詩，牡丹詩，古風詩，三秋登高詩，招賢詩帖，樂章羅帖，樂府三雜文稿。孔帖云：照照始潛輝，龍燭恆爭秉，又九重開扇鶴，四幅炳燈魚，又游颺日已西，蕭穆寒初至。皆後主句。

五朝啓事：李煜時，建康之旁多題曰天水碧，因煜之內人染碧夕露于中庭，爲露所染，其色尤好，故名之。尋而皇家蕩平之，悉前兆也。

浣溪沙曲

紅日已高三丈透。金爐次第添香獸。紅錦地衣隨步皺。佳人舞點金釵溜。酒惡時拈花葉顫。別殿遙聞簫鼓奏。

擣練曲

深院靜。小庭空。斷續寒砧斷續風。無奈夜長人不寐。數聲和月到簾櫳。雲鬢亂。晚妝殘。帶恨眉兒遠岫攢。斜托香顚春筍嫩。爲誰和淚倚闌干。

羅敷豔歌

幺幺金井梧桐晚。幾樹驚秋。晝雨如愁。百尺蝦蟇上玉鉤。瓊窗春斷雙蛾皺。回首邊頭。欲寄鱗游。九曲寒波不泝流。

春曉曲

曉妝初了。明肌雪。春殿嬪娥魚貫列。鳳簫聲斷水雲閑。重按霓歌徧徹。臨風誰更飄香屑。醉拍闌干情未切。歸時休放燭花紅。待蹋馬啼清夜月。

漁父詞

浪花有意千里雪。桃花無言一隊春。一壺酒。一竿身。快活如儂有幾人。一櫂春風一葉舟。一綸繭縷一輕鉤。花滿渚。酒滿甌。萬頃波中得自由。

望遠行

碧砌花光照眼明。朱扉長日鎖長扃。餘寒欲去夢難成。爐香烟冷自亭亭。遼陽月秣陵砧。不傳消息但傳情。黃金臺下忽然驚。征人歸日二毛生。

病中感懷

顛顛年來甚。蕭條益自傷。風威侵病骨。雨氣咽愁腸。夜鼎唯煎藥。朝髭半染霜。前緣竟何似。誰與問空王。

悼詩

仲宣卒後主哀甚。然恐重傷昭惠帝。默坐飲泣而已。因爲詩以寫志。吟詠數四。左右爲之泣下。

永念難消釋。孤懷痛自嗟。雨深秋寂寞。愁引病增加。咽絕風前思。昏濛眼上花。空王應念我。窮子正迷家。

輓辭

宣城公仲宣後主子小字瑞保。年四歲卒。母昭惠先病哀苦增劇。遂至於殂。故後主輓辭并其母子悼之。

珠碎眼前珍。花凋世外春。未銷心裏恨。又失掌中身。玉筍猶殘藥。香奩已染塵。前哀將後感。無淚可霑巾。豔質同芳樹。浮危道略同。正悲春落實。又苦雨傷叢。穠麗今何在。飄零事已空。沈沈無問處。千載謝東風。

梅花

後主嘗與周后移植梅花於瑤光殿之西。及花時而后已殂。因成詩見意。

殷勤移植地。曲檻小闌邊。共約重芳日。還憂不盛妍。阻風開步障。乘月溉寒泉。誰料花前後。蛾眉卻不全。九月十日偶書

晚雨秋陰酒乍醒。感時心緒杳難平。黃花冷落不成豔。紅葉颼颼競鼓聲。背世返能厭俗態。偶緣猶未忘多情。自從雙鬢斑斑白。不學安仁卻自驚。

秋鶯

殘鶯何事不知秋。橫過幽林尚獨遊。嫩綠百層傾耳聽。深黃一點入烟流。棲遲背世同悲魯。瀏亮如笙碎在絃。莫更留連好歸去。露華淒冷蓼花愁。

嫩綠百層。木集詩作老舌百般。

送鄧王二十弟從益牧宣城

後主自爲詩序以送之。其略云。秋山滴翠。暮壑澄空。愛公此行。暢乎遐覽。

且維輕舸更遲遲。別酒重傾惜解攜。浩浪侵愁光蕩漾。亂山凝恨色高低。君馳檣楫情何極。我凭闌干日向西。咫尺烟江幾多地。不須懷抱重淒淒。

病中書事

病身堅固道情深。宴坐清香思自任。月照靜居唯擣藥。門扃幽院只來禽。庸醫嬾聽詞何取。小婢將行力未禁。賴問空門知氣味。不然煩惱萬塗侵。

病起題山舍壁

山舍初成病乍輕。杖藜巾褐稱閑情。爐開小火深回暖。溝引新流幾曲聲。暫約彭涓安朽質。終期宗遠問無生。誰能役役塵中累。貪合魚龍構強名。

梅花

失卻烟花主。東君自不知。清香更何用。猶發去年枝。

感懷

後主昭惠后周氏。小字娥皇。年二十九。後主哀苦骨立。杖而後起。每於花朝月夕。無不傷懷。

又見桐花發舊枝。一樓烟雨暮淒淒。凭闌惆悵人誰會。不覺潸然淚眼低。層城無復見嬌姿。佳節纏哀不自持。空有當年舊烟月。芙蓉城上哭蛾眉。

賜宮人慶奴

畢莊漫錄云。燈誓書黃羅扇上。至今藏在貴人家。

風情漸老見春羞。到處消魂感舊遊。多謝長條似相識。強垂烟態拂人頭。

題金樓子後井序

梁元帝謂王仲宣書在荊州。著書數十篇。荊州壞。盡焚其書。今在者一篇。知名之士感重之。見虎一毛。不知其跡。後西魏破江陵。帝亦盡焚其書。曰。文武之道。盡今夜矣。何荊州壞焚書二語。先後一轍也。詩以慨之。

牙籤萬軸裏紅綃。王粲書同付火燒。不是祖龍留面目。遺篇那得到今朝。

韓王從善

從善字子師。元宗第七子。宋收封楚國公。

薔薇詩一首十八韻呈東海侍郎徐鉉

綠影覆幽池。芳菲四月時。管弦朝夕興。組繡百千枝。盛引牆看徧。高煩架屢移。露輕濡綵筆。遙誤拂吟髭。日照玲瓏幔。風搖翡翠帷。早紅飄薜地。狂蔓挂蛛絲。嫩刺牽衣細。新條種草垂。晚香難暫捨。嬌態自相窺。深淺分前後。榮華互盛衰。尊前留客久。月下欲歸遲。何處繁臨砌。誰家密映籬。絳羅房燦爛。碧玉葉參差。分得殷勤種。開來遠近知。品焚歌袖被。柔弱舞腰支。膏麝誰將比。庭萱自合嗤。勻妝低水鑑。泣淚滴煙霏。書擬憑梁廣。名宜亞楚姬。寄君十八韻。思拙媿新奇。

吉王從謙

從謙元宗第九子。後主母弟也。風采峭整。動有規誨。喜爲律詩。宋改封鄂國公。

清異錄載從謙常春日與妃侍遊宮

中後圃妃侍觀桃花。開意欲折而條高。小黃門取絲梯獻。時從謙乘駿馬擊毬。乃引臂至花底。痛探芳菲。顧謂嬪妾曰。吾之驟耳梯何如。南唐拾遺記云。宜春王從謙學晉二王楷法。用宣城葛筆一枝。酬十金。勁妙甲子當時。從謙號爲翹軒寶帚。製撰多不具。越常戲作夏清侯傳。甚稱于時。

觀棋

後主燕閑。嘗與侍臣弈。後謙甫數歲侍側。後主命賦觀棋詩。

竹林二君子。盡日竟沈吟。相對雖無語。爭先各有心。恃強知易失。守分固難侵。若算機籌處。滄滄海未深。

宋齊邱

齊邱字子嵩廬陵人洪州副使誠之子吳時累官右僕射平章事李昇代吳以齊邱爲丞相尋出鎮南軍節度璫嗣位召爲中書令顯德末放歸縊死

南唐書烈祖爲昇州刺史時齊邱因驕將姚克瞻得見暇日陪燕賦此詩烈祖見養花如養賢及貞

竹無盛衰之句奇之待以國士西溪叢語紹興壬子夏登鳳皇臺有小碑在亭上云五言三十韻詩一首題鳳皇山亭子陳獻司空鄉貢進士宋齊邱上云詩中有我欲烹烹長鯨四句皆欲諷其跋扈也而主終不聽不得意上表乞歸九華其略云千秋載壽願爲知足之人九朵峯巒永作乞骸之客主知其詐也吟窗雜錄齊邱詠影句云天似賢臣扶社稷遇明則見暗還藏

陪遊鳳凰臺獻詩

嵯峨壓洪泉。峯客撐碧落。宜哉秦始皇。不驅亦不繫。上有布政臺。八顧背城郭。山蹙龍虎健。水黑螭蜃作。白虹欲吞人。赤驥相搏擗。畫棟泥金碧。石路盤境垝。倒挂哭月猿。危立思天鶴。鑿池養蛟龍。栽桐棲鸞鷟。梁間燕教雛。石罅蛇懸殼。養花如養賢。去草如去惡。日晚嚴城鼓。風來蕭寺鐸。掃地驅塵埃。剪蒿除鳥雀。金桃帶葉摘。綠李和衣嚼。貞竹無盛衰。媚柳先搖落。塵飛景陽井。草合臨春閣。芙蓉如佳人。迴首似調謔。當軒有直道。無人肯駐腳。夜半鼠窻窞。天陰鬼敲啄。松孤不易立。石醜難安著。自憐啄木鳥。去蠹終不錯。晚風吹梧桐。樹頭鳴嚶嚶。峨峨江令石。青苔何淡薄。不話興亡事。舉首思眇邈。吁哉未到此。褊劣同尺蠖。籠鶴羨鳬毛。猛虎愛蝸角。一日賢太守。與我觀囊籥。往往獨自語。天地相唯諾。風雲偶不來。寰宇銷一略。我欲烹長鯨。四海爲鼎鑊。我欲取大鵬。天地爲矰繳。安得生羽翰。雄飛上寥廓。

贈仰山慧度禪師

初聞如自解。及見勝初聞。兩鬢堆殘雪。一身披斷雲。道應齊古佛。高不揖吾君。稽首清涼月。蕭然萬象分。

陪華林園試小妓羯鼓

湘山野錄。齊邱爲僕射。環愛其才。而知其不正。一日宴華林。獻羯鼓詩。環愈厭之。

切斷牙妝鏤紫金。最宜平穩玉槽深。因逢淑景開佳宴。爲出花奴奏雅音。掌底輕瓏孤鵲噪。枝頭乾快亂蟬吟。開元天子曾如此。今日將軍好用心。時李璣爲諸衛將軍。

韓熙載

熙載字叔言。北海人。後唐同光中登進士第。李昇建國。用爲祕書郎。環嗣位。拜虞部員外郎。史館修撰。知制誥。後主時終中書侍郎。卒諡文靖。

湘山野錄。熙載事江南三主。時謂之神仙中人。風采照物。每縱轡春城。秋苑人皆隨觀。帝音能舞。善八分及畫。筆皆冠絕。

制誥典雅。有元和之風。嚴長射續位高。實學爲時所部。江文蔚嘗作贊賦。譏略云。日裏雌黃。每失途於相沫。胸中戈甲。嘗聚衆以橫行。續深服之。強自激昂。以熙載有才名。請撰其父神道碑。欲荷稱譽。取信於人。以珍貨萬緡。仍幘未勝衣。一歌寶冠。洞房者爲濡毫之贈。熙載文既成。但敘諸系品秩。及薨葬哀贈之典而已。續嫌之。封還。尙書政竄。熙載惡以向所贈及歌姬還之。詩于泥金雙帶云云。漁隱叢話。裴虔餘云。滿額鵝黃金縷衣。翠翹浮動玉釵垂。從教水濺羅襪。疑是巫山行雨歸。唐韻集韻。韻略重與歸皆不同韻。此詩爲落韻矣。韓熙載云。風柳搖搖無定枝。云云。既言陽臺。又言蓬島。何用事重疊如此。二詩並載小說。稱爲佳句。余謂疵病如此。殆非佳句也。吟窗雜錄。熙載登樓句云。幾人平地上。看我半天中。南

唐近下熙載婢妾甚多，不爲防閑，往往以出侍客。
客賦詩云：「最是五更留不住，向人枕畔著衣裳。」

感懷

馬書不傳熙載，不使中原爲感懷詩。有僕本江北人云云，或問江南何不食剝皮羊。熙載曰：「江南地產羅紉故耳，爾時猶不喻，去乃悟。」

僕本江北人，今作江南客。再去江北遊，舉目無相識。金風吹我寒，秋月爲誰白。不如歸去來，江南有人憶。

奉使中原署壁

未到故鄉時，將爲故鄉好。及至親得歸，爭如身不到。目前相識無一人，出入空傷我懷抱。風雨蕭蕭旅館秋，歸來窗下和衣倒。夢中忽到江南路，尋得花邊舊居處。桃臉蛾眉笑出門，爭向前頭擁將去。

書歌妓泥金帶

風柳搖搖無定枝，陽臺雲雨夢中歸。他年蓬島音塵斷，留取尊前舊舞衣。

送徐鉉流舒州

時鉉弟鐸亦
貶烏江尉

昔年悽斷此江湄，風滿征帆淚滿衣。今日重憐鵲鴿羽，不堪波上又分飛。

馮延巳

延巳一名延嗣，字正中，廣陵人。李璟爲元帥時，辟掌書記。璟立，拜翰林學士，進中書侍郎同平章事，有陽春集。

詩史：南唐元宗優待藩邸舊僚，延巳自元帥府書記，至中書侍郎，遂相。時論以爲非材。江文蔚因其弟延魯福州亡敗，請從退削，乃出撫州。秋滿還朝，因赴內宴，進詩曰：「青樓何處應相笑，書記登壇又卻回。」

馬書本傳延已著樂章百餘闋。其鵲冲天詞云。曉日暎宿雲。披銀燭錦屏圍。追章鐘動玉繩低。宮漏出花遲。又歸國謠云。云。又元宗樂府詞云。小樓吹徹玉笙寒。延已有風乍起。吹皺一池春水。閑引鴛鴦方徑裏。手按紅杏。藥具見稱於世。又門鴨闌干獨倚。碧玉搔頭斜亸。終日望君君不至。顰眉聞鴝喜。調名謁金門。皆爲警策。元宗嘗喜延已吹皺一池春水。千卿何事。延已曰。未若陛下小樓吹徹玉笙寒。元宗悅。說郭南塘馮延巳詞。有鴝鴒闌干獨倚之句。人疑鴝未嘗闌干。按三國志孫權傳注引江表傳。魏文帝使求鴝。羣臣奏無與權曰。彼居諒陰中。所求若此。豈可與言禮哉。具以與之。新唐書齊王祐善養鴝。方未及時。狸咋鴨四十餘。絕其頭去。及敗。牽連誅死者四十餘人。則古蓋有之。唐田令孜傳。僖宗好鴝。雞數往六王宅興慶池與諸王鬪。鷄直五千萬。則鷄亦能鬪也。猶覺察雜記梅川南枝事。延巳詞云。北枝梅藥犯霜開。則南北枝事其來遠矣。本傳延巳與其弟延魯。魏宰陳覺。查文徽。侵損時政。時人謂之五鬼。

薄命妾

春日宴綠酒一杯歌一遍。再拜陳三願。一願郎君千歲。二願妾身長健。三願如同梁上燕。歲歲長相見。

醉瑤瑟曲

雙玉斗百瓊壺。佳人歡飲笑喧呼。麒麟欲畫時難偶。鷄鷺何猜與不孤。歌婉轉。醉模糊。高燒銀燭臥流蘇。只銷幾覺憎騰睡。身外功名任有無。日融融。草芊芊。黃鶯求友啼林前。柳條嫋嫋拖金線。花蕊茸茸簇錦氈。鳩逐婦。燕穿簾。狂蜂浪蝶相翩翩。春光堪賞還堪玩。惱殺東風恨少年。

早朝

銅壺滴漏初盡。高閣雞鳴半空。吹起五門金鎖。猶垂三殿簾櫳。階前御柳搖綠。仗下宮花散紅。鴛瓦數行曉日。鶯旗百尺春風。侍臣舞蹈重拜。聖壽南山永同。

舞春風曲

嚴妝纔能怨春風。粉牆畫壁宋家東。蕙蘭有恨枝猶綠。桃李無言花自紅。燕燕巢時羅幕卷。鶯鶯啼處鳳樓空。少年薄倖知何處。每夜歸來春夢中。

